


三才藻異

隱逸而名傳者  
人而別號傳者

AE  
4  
T8  
1689  
V.8









三才藻異

古董屠粹忠芝巖著

毘陵莊廷偉逸羣校

隱逸而名傳者

許由

字武仲、堯讓天下不受、遁耕箕山、復召爲九州長、聞洗其耳、死封箕山公、配食五嶽

辭讓風開混沌日鑿不長九州寧配五嶽

善卷

堯聞得道、師之、舜以天下讓、日出作入息、逍遙天地而心意得遂、入深山、莫知其處

作息于于卷舒冥冥絕跡夔龍遐心麋鹿



老萊子

耕楚蒙山王聘為相許之妻投畀去隨至江南孔子聞而敬之著道書十五篇

舞斑養志鼓瑟知音快猶龍意獲泣麟心

小臣稷

齊桓三往不得見日不輕爵祿則無以助主不好仁義則無以下士五往乃見

魚水何求豹霧可伏三顧得龍五往得鵠

閔貢

周黨見其含菽飲水遺生蒜不食家貧日買猪肝一片客居安邑今日給之遂去

視黨猶廉視融尤雅

張融不言鹽蒜笑賣菜乎鄙食肉者

王斗

修道不仕謁齊宣使延入日斗趨為好勢王趨為好士迎之於門舉士五人爵而治

為國樹人為民表逸擁篲當年瞻斗此日



莊周

字子休、蒙人、爲漆園吏、楚威王聘、辭、隱、胄、州南華山、因名經、

聞五千與悟四大空、豈園中蝶猶柱下龍

黔婁

魯公賜粟不受、齊王賜金百觔、爲相不就、著書四篇、殮時衾短、曾西欲斜之、妻不從

守正有妻補偏無友金粟何求珠璣不朽

姜岐

郡守召不應、怒欲逼嫁其母而殺岐、督郵尹益力爭乃止

胡刺史橫胡督郵競惟橫與競其品乃鏡

林類

魏人、年百歲、披裘拾遺穗而歌、孔子適衛、使子貢往言之、皆一死生之語

得田野趣均遺穗利一死生致助黃老臂



仲長子光

瘖而隱、無妻子、結廬北渚卅年、非力不食、王績愛訪、不交一語、對酌甚歡

絕塵林逋食力鮑焦自忻北渚不語東臯

王績號東臯子

壺丘子林

鄭人列禦寇師之曰務外遊不如務內觀外遊求飾乎物內觀取足乎身

絕外觀返內照壺中日月新个中天地妙

北人無擇

舜友讓以天下曰異哉欲以辱行及我因投清冷之淵

寧沒其身不降其志榮辱之關古今異視

子州支父

堯以天下讓之曰我有幽憂之病方且治之未暇治天下舜又讓亦此對

托二豎崇却九有尊闢高尚路開推諉門



老商氏

尹生從請術十反不告列子曰吾心不念是非口不言利害七年始得並席

御風之侶飲日之徒脫胎之鶴守雌之雛

樂臣公

趙人好黃老不仕及趙滅至齊稱賢師樂毅其族也

以我五千言敵彼七十城謗可息名不爭

列禦寇

不仕鄭穆公相子陽饋粟數十乘辭之妻拊心而歎後得免于陽黨

君是披裘伍婦非投畚儔不貪餌豈吞鉤

魯仲連

義不帝秦射書下聊城齊欲爵之逃海上曰與富貴誦人寧貧賤肆志

千里駒一紙書寧跨海上鶴不泣釜中魚

仲連號千里駒



東郭順子

修道守真田子方師之文侯聞而賢之

人貌天虛其木雞之養歟其修羊之螫歟

安丘望之

京兆人治老子成帝師事之愈退損為巫醫於民間終身不仕道家宗焉

埋跡巫醫甘心桑柘丹鳳銜書青牛速駕

王生

善黃老不仕召會庭中命廷尉張釋之結轡跪而繫之欲以重之也

進履教帝師結轡重廷尉道德尊朱紫媿

蓋公

齊人不仕善黃老曹參相齊聘言治道師事之及參相漢遵其道也

去煩足樂去驕可師隱則雲鶴見則著龜



翟莊

以孝友著。弋釣為事，長不復獵。曰：獵自我釣，自物貪餌，不鉤豈我哉？卒不就徵。

高飛有羅

貪餌有網，借物鑒身。蛛隱心賞。

龔舍號蛛，蜘蛛隱。

郭雍

陝州父師，頤著易，雍傳其學，號白雲先生。宋孝宗命錄其言，已八十三矣，賜號冲晦。

數可徹

庭可趨，白雲鎖猿鶴，丹詔煥圖書。

高恢

字伯遠，京兆人，治老子經，與梁鴻善，隱華陰，鴻東遊，作詩懷之。恢亦高亢，終身焉。

猶龍吾師

伯鸞吾友，鸞翔有詩，龍潛无首。

贅恂

字季直，通五經百家，受業者眾，以女妻馬融，永和中舉賢良，不就，以壽終。

其志尚

其眉，厖青氈留西席，絳帳挂東牀。



夏馥

與范滂等同誣黨，剪髮變服，入林慮山傭作事，平不歸。太守以車迎，三返乃得。

脫常侍網，返刺史車，自憐全瓦，更避分符。

鄭玄

從馬融學，曰：吾道東矣。遇黃巾，皆下拜，紹餞之，會者三百人。

絳帳首推黃巾，下拜書帶生，馨德門不壞。

所居號通德門。

任安

字定祖，稱任夫子。讀史至魯仲連傳，曰：性以潔白為治，情以得志為樂，終身不仕。

慕千里駒

仲連學五噫鴻，梁漫誇木鐸先脫樊籠。

荀靖

字叔慈，兄弟號八龍。太守辟不就，卒諫者廿六人。賴令號曰：公行，賴守諡曰昭定。

生擅令名，死無遺議，在天德星在國人瑞。



韓順

字子良天水人莽末隱南山隗囂聘爲師日禮有來學義無枉教不屈

吾○道○吾○尊○吾○身○吾○醒○吾○樂○吾○窩○吾○寶○吾○鼎○

鮑焦

周末不仕採蔬而食子貢曰子惡其君處其土食其蔬何志行之違乎遂棄蔬餓死

其○心○悼○時○其○志○食○力○採○薇○採○蔬○後○先○一○德○

庚桑楚

師老聃得其道居畏壘山大讓民相與尸祝之庚聞而不憚

尸○祝○不○居○耕○鑿○自○活○師○有○指○李○民○無○懷○葛○

李季芳

道州處士杜門著書刺史元結請於朝給田免役以風高尚

愛○吾○鼎○式○吾○廬○雲○中○有○著○述○門○外○不○追○呼○



杜林

客河西隗囂不能屈弟卒持喪歸陰遣楊賢刺之見林身挽鹿車曰我何忍殺義士

車○前○挽○鹿○劍○下○冥○鴻○並○行○不○悖○高○義○清○風○

楊柯

裸卧土牀覆被無褥荀子造談不答發被露形大笑

裸○而○臥○非○焦○先○而○何○笑○不○答○非○袁○安○而○何○

邵雍

字堯夫范陽人寓洛著皇極經世諸書

少○室○客○大○衍○儒○古○今○一○龜○筮○天○地○一○蝸○廬○

甄彬

定州人常五月披裘負薪有苧就僧質錢後贖苧得遺金還僧分與不受

贖○苧○心○公○負○薪○志○大○暮○夜○無○知○裁○冠○博○帶○



鮮于樞

字伯機，宋漁陽人，能詩賦，工草書，得怪松移置齋前，呼支離叟。

龍蛇在手，珠璣在口，把臂半生，蒼顏一叟。

徐中行

臨海人，少從胡瑗學，躬耕養母，葬親舊之無後者，累辟不就。

學有淵源，恩有支派，白雲可耕，青山不買。

公孫鳳

上谷人，冬單衣寢土，彈琴吟咏，人莫能測，慕容暉徵之，相見不言，亦不拜。

裹不熱，膽不寒，其龍之變幻，其鳳之蹁躚。

申屠蟠

少喪父，廬墓有甘露白雉，董卓時獨不被脅，大將軍何進連徵不就。

華蟲來，甘露下，保身無價，名不沾禍，不嫁。



倪瓚

字元鎮，博學好古，工詩畫，家饒資，一旦舍去，放舟五湖三泖間。

畫舫無根，畫壁無痕，一生詩酒，三泖鱸蓴。

林清

避元匿福州寺，官誥命賦，即就再訪遁矣。

立就乎，豈弄才者乎？遯跡乎，豈沽高者乎？

姜肱

桓帝徵不至，使工圖其形，肱卧，暗以被韜面，言感疾，工不得見。

蒙被自韜，賣卜自潔，長夢君平，不談傳說。

孫期

習尚書易，牧豕養母，從學者執經隴上，郡舉方正，賁賀，驅豕入草，不顧，黃巾戒，不犯。

蠹帶烟霞，豕供菽水，相戒黃巾，不負素履。



明僧紹明經篤行累辟不起齊高帝訪避之賜  
垣○可○踰○寶○不○可○入○也○籜○可○冠○蒲○不○可○載○也○

劉勉之

因蔡京禁程氏學絕意科舉力耕被薦與檜不合卽歸成就後學以女妻朱熹

宗濂洛○隱耒犁立雪流風遠眠雲指日迴

高鳳

潛心篤學執編看曝麥值雨麥流不覺漁釣自適守辟詐與寡嫂爭田得免

青汗潛心黃雲

也掉臂成高士名爭寡婦利

顏蠲

臨潼隱士言有處窮方四無事當貴早寢當富安步當車晚食當肉

巧處貧○甘知足○何地非泰履隨時皆清福



宋纖

弟子從遊者衆累辟不就太守馬岌造之  
不見曰名可聞身不可見人中龍也

書帶烟雲鳥音絲竹室邇人遐先生金玉

李弘

被召爲令邑人餞之酣飲月餘不去促之  
曰原無心去也楊雄曰不夷不惠

未綰綬且高酣爲聖爲賢日不夷不惠間

阮孝緒

母疾須參徧覓鍾山一鹿前導得之翻  
陽王造訪鑿垣而遁願從赤松遊

感得鹿潛得龍閉門倣泄柳執鞭慕赤松

張孝秀

不好浮華常冠穀皮巾躡蒲履執櫛皮  
塵尾服寒食散盛冬能卧石上

躡者蒲揮者櫛枕流急坐石舒抱朴返虛



楊朴

杞人真宗召問有詩送行否曰臣妾云今日捉將官裏去這回斷送老頭皮笑止之

君有詔妾有詩一朝新謔浪千古老頭皮

薛方

臨淄人王莽安車迎之不就曰堯舜在上下有巢許遂隱居著書

洗耳驅犢滌硯吞魚危行言孫子也非迂

傅霖

青州人與張詠善詠顯求霖不得見一日造訪曰子將去來別耳後一月詠卒

出處之分止此一聚生死之交只此一語

范喬

外黃人祖馨臨終撫喬首以所用硯遺之五歲祖母告之執硯涕泣前後辟舉不就

筆還未耕珠已在掌珍重硯田脫離塵網



高頔

杞人力學強記手錄書千卷或饋厚餉惟計口而受清苦杜門三十年

著書茹荼高人之福計口受餉通人之祿

魏野

陝州人彈琴賦詩號草堂居士真宗召不出詔圖所居諷寇準謝政後悔不聽

寧澹懷老成見不悟草堂言不讀霍光傳

郭文

隱大滌山有猛獸張口向文視有橫骨去之王導迎至旁若無人貿鹽自供餘恤窮

心不張機虎口助臂目無調鹽馬蹄得意

鹽有馬蹄

謝敷

隱會稽信釋氏月犯處士星時戴逵名重人憂之俄敷死日吳中高士求死不得

大乘胸藏少微占繫全生固難求死非易



陳陶

劍浦人累辟不就嚴譔守郡遣妾蓮花試之、不納、妾獻詩答之、

詩思冰清風情雲薄蘭可共幽蓮可獨却

徐穉

南昌人非力不食弔郭林宗喪置生芻一束而去常以磨鏡具自隨陳蕃懸榻待之

弔郭一芻弔瓊千里鏡可磨人榻難並已

韋旻

閉門力學衆以書樓目之隱洪羅洞號白雲先生善內養壽百餘終

樓頭萬卷洞口片雲北窓二帝南極一君

嚴遵

臨邛人字君平賣卜成都市日得百錢卽閉肆著周易楊雄師事之

公明侶子雲師胸中原有象牀下不楮龜



三才圖會  
周朴

福州人黃巢叛將用之曰我爲處士尚不  
屈天子安能從賊斬之湧白膏數尺

土木冠裳膏肓泉石一旦凝霜三年化碧

董正

高潔不就辟鄉里有不平多詣直之袁閔  
聞於朝詔旌墓門

生遯嘉死表異存天壤古心發人間正氣

管師復

仁宗召至問卿所得曰蒲場白雲耕不  
盡一潭明月釣無痕稱卧雲子

買風無價釣月無痕寤歌之室道義之門

徐伯珍

龍游人少孤貧以箬葉學書累召不出  
兄弟四人俱杜門白首時稱四皓

鶴髮白龍鬚青

居有龍鬚栢

竹徑翻蝌蚪商山話鵲鴒



陶宗儀

好著述，田間恒携筆硯，置甕樹下，有得即書以投，久成帙，曰南村輟耕錄。

甕滿樹下，穎脫田間，草堂佳構，稗野高談。

張仲蔚

平陵人，與魏景卿同隱，博物善文，蒿徑蛙鳴，曰足當一部鼓吹。

博過物樂同朋，既美蛙如鼓，應知螢作燈。

陸著

累辟不就，惟娛棲遁，戒子弟勿苟仕濁世，子孫遵訓，二代不仕，皆有盛名。

視蹤如萍，視華如薺，視身如圭，視世如鏡。

許詢

徵不就，杖策披裘，隱於永興西山，憑樹構堂，支遁謝安與之遊。

屋傍老龍鱗，門無題鳳跡，慕披裘薄杖策。



臺佟

隱武安山穴居採藥刺史言其甚苦曰存神養和視久惕世事反不苦也

胸○中○有○壑○壺○中○有○藥○忙○中○有○閒○苦○中○有○樂○

劉訐

刺史辟之挂檄於樹而逃常著縠皮巾披衲衣每遊山澤輒流連忘返

捧○檄○何○重○挂○檄○何○輕○重○非○慕○祿○輕○豈○沾○名○

張牧之

隱竹溪不與世接客來蔽竹窺之或韻人則呼船載之或自刺舟與語

鴨○頭○可○語○鵲○影○難○圖○一○生○密○友○半○是○黃○姑○

竹名

鄭仲虞

漢章帝自往終不仕曰陛下何惜不為上世君令臣得為偃息民賜祿終身

薜○門○潛○確○翠○蓋○空○林○烟○霞○中○物○羲○皇○上○人○



李勃

隱居少室山、以右拾遺召、上書不拜、

竹風晚披○山雲曉弄○願效飛鳧○不隨鳴鳳○

韓康

賣藥長安市、有女子買藥、價不移、怒曰、汝是韓伯休、乃不貳價、康以知名、遁之、

名○可○逃○不○知○故○不○識○跡○可○冥○不○貳○故○不○測○

蘇養直

紹興間、徐師川同召不起、徐就聘過蘇、對奕、拈子笑曰、今日讓老夫一著、徐慙

招鶴風松○留人雲壑○一局世情○獨籌先著○

潘師正

居逍遙谷、高宗問所須、曰、茂松清泉、山中不乏、韋夏號逍遙公、日給河東酒

叉手吟松○枕流嗽玉○河東三升○不求煖腹○



林敏功

治春秋不第歸杜門二十年貫通六經百氏尤長於詩徵不奉詔賜號高隱

列宿羅胸長吟抱膝枝借鷦棲花生麟筆

褚伯玉

王僧達禮致停郡信宿纔交數言年十八父爲之婚婦入玉出居山能耐寒暑

輕鷺序美鷗浮不解于飛樂豈尋沾背憂

張忠

隱太山修導養法弟子五日一朝鑿石爲金人皆法之符堅徵乞還華山

自在觀天然釜煮石儔枕流伍開山之祖

應曜

隱淮陽山中與四皓俱徵不就人謂商山四皓不如淮陽一老

詩日出處讓人成羽翼山川畱我壯鬚眉



商容

告老子以舌存齒亡之道武王入商式其間

受命老子式間新王一客留姓殷祚未亡

陸通

楚人昭王時見政無常遂徃狂遊諸名山食桂實菁子隱峨眉山號接輿

甘箕子節樂季女飢鴻將桂食鳳不梧栖

盧鴻一

博學著書隱嵩山開元初禮召不至自圖十景以序

十洲勝槩一枕徜徉夢尋雲壑雲卧書牀

劉麟之

桓冲聘不就至家先見其父父使麟自持壺豆冲勅人代曰非野人獻芹意

嘉賓興從野老壺漿出寡蘭臭入饒芹香



公義潛

魯人與子思友穆公因子思致命欲以爲相子思曰臣不能操竿下釣以傷節

設餌雖芳○操竿胡忍○易曰確乎龍德而隱○

呂徽之

耕漁仙居見人咏雪分藤韻代續跡之桶中有聲其妻也換酒歸飲次訪遷矣

桶無粒○甕有春○一藤堪釣雪○半榻不留雲○

田何

齊人漢興徙杜陵授易五傳至何惠帝親幸其廬以受易

紹衣義畫○祖述孔編○秦火不厄○漢贄擁前○

丘訢

少有大才不與俗伍郡守召見曰明府欲臣耶友耶師耶皆訢所不用也遂不屈

羞燕伍○羨鴻程○雲霞欣膠漆○蘿薜勝簪纓○

裴休

字公美。畫誦詩。夜著書。有餽鹿者。諸生共薦之不食。經年不出戶。裴寬壅鹿不食。

局戶絕人。操觚泣鬼。壅鹿可交。潛龍堪擬。

顏闔

魯君以幣聘闔。曰。恐使者謬聽。不若審之。使還問復來。已失之矣。

辭有術。遁無聲。終南多猿鶴。儘日盼弓旌。

宋勝之

少孤篤孝。兄裒為東平內史。召之去。牧羊。以琴書自娛。孔光聞而辟之。不至。

吹笙牧豕。

子彈琴。牧羊。初平氣合。叱石成羊。卜式心涼。

孔淳之

居會稽。好山水。遊必窮趣。徵辟皆不就。與戴顓。王弘之。王敬弘。共為物外遊。

幽中窮趣。物外忘形。不尋蓮社。亦夢蘭亭。



孟陋

少清立布衣蔬食口不及世事或弋或釣孤往獨歸雖家人亦不知其所之

甘藿藜腸勝蜘蛛隱釣不在魚弋豈在隼

郭泰

與李膺同舟時人以爲登仙遇雨折巾一角時人效之過逆旅必灑掃清潔去

名不沾道不枉美爾共仙舟問誰脫世網

矯慎

學黃老導引之術穴山爲室吳蒼遺書以觀其志不答

水石吾願呼吸吾功獨怪斥鷃輕覩人龍

祝牧

與妻偕隱作琴歌曰天下有道我韞子佩天下無道我負子戴

戴笠無憂援琴足樂不歎文犧豈悲別鶴

馬樞

覽書二萬卷、隱茅山、依託者數百家、有白燕、馴狎、几案三十年。

汗牛充棟、馴燕依巢、瑣尾託命、高步凌霄。

牛牢

與光武言志、曰、義不與帝爲友、及卽位、徵稱疾、勅州郡官者、先到存問、不答詔。

羊裘不披、牛衣不泣、君縱宣麻、我長荷笠。

劉凝之

枝江人、隱居歲饑、衡陽王餉錢十萬、見市有饑色者、悉分與之。

陶奴米可辭、衡陽錢可濟、飽乎仁、樂乎義。

董景道

隱商洛、衣葉食果、彈琴娛笑、毒蟲猛獸繞其旁、劉元海屢徵不得達。

草衣木食、似古非今、毒蟲猛獸出聽彈琴。



杜五郎

隱名不出離州年、黎陽尉訪之、日向擇日賣藥供食、後子耕食俱廢、惟端坐耳

韓康藥賣吾少孟節糞含吾老子平願了

朱百年

携妻孔入會稽山、採薪置路人留錢取之、遇雪無資、送妻還、晴迎之、談玄詠詩

行歌負薪不殊買臣雨逐晴呼何類鳩夫

陶淡

廬臨湘水中養一白鹿自偶、親故往候、輒移澗水莫得近

白鹿吾友白雲吾家白水吾界白丁吾遐

宗測

炳子、遍遊名山、寫向平圖於壁、齋老莊書自隨、長嘯往廬山、豫章王兩徵辭

慕五嶽遊闡五千秘跨五老峯作五禽戲

也修養功

法真

明五經識緯田羽薦之四徵不就曰吾不能遁形遠世豈顧洗耳之水哉深自隱絕

遁形壁絕洗耳河清入林未密何怨弓旌

夏統

採杞求食或拾蛤蜊以資養宗族勸之仕日汙隆之間自當耦耕豈可辱身郡府

拾蛤採杞豈將求食我擬其倫長沮桀溺

顧况

有時宰招之答以詩曰此身還似籠中鶴東望滄溟叫數聲後得道化去

潛志確脫殼奇竊比凌霄鶴羞聞入甕雞

醢雞未聞大道

趙質

隱燕城章宗遊聞弦誦幸其齋見壁詠命仕日臣志在長林豐草金鑣玉絡非願也

莫冷壁上題莫放花下杯歎廟犧樂塗龜



朱仁軌

隱居養親、誨子弟、曰：終身遜路、不枉百步、終身讓畔、不失一段。

守李之雌、弄萊之雛、遵鵠之訓、學蝸之廬。

陽孝本

隱通天岩、蘇軾海外歸、造知其不娶、戲以爲元德秀、自言陽城裔、稱玉岩居士。

爲陽城支、爲東坡友、爲德秀孤、爲孝秀偶。

吳瑛

臨溪築室、種花釀酒、客至必醉、問臧否、不答、有貴客過、酣以樂器扣其頭爲節、不忤。

時坐花頻醉、月天子腹難加、貴人頭可節。

崔覲

耕耨自給、老無子、田宅分給奴婢、與妻隱南山、嘯咏自娛、奴婢過舍、分給酒食。

無婚嫁累、得童僕貞、學蘇門嘯、偶鹿門耕。

管寧

與華歆鋤、見金不顧、歆出視、乘軒、割席分坐、一木榻五十年不動、十徵不起、隱遼東

揮金手

割席腸皎同華表鶴修類石牀羊

修羊公卧石牀

陸夸

高邑人、安貧博學、與崔浩善、徵中秘、強入京、浩留叙、絕不及朝事、不敢勸、掉臂去

蹇可策

鶴難羣肯把故人酒搖動故山雲

蘇庠

以詩著名人比之李青蓮、屢辟薦、辭秦檜欲召見之、曰吾老矣、不忍敗雲壑

吐鳳可誇

釣鼈可匹寄語販雲秦頭壓日

李業

梓潼人、避莽匿名、公孫述徵曰、起則侯、不則酖、業遂飲死、述耻、賜錢百萬、子逃不受

歎雲中鶴

惟井底蛙以身殉國有子克家



令狐揆

隱安陸、常雪中跨馬入城、詣張君房借書、蒼頭負琴、友林逸、繪其圖、

青猿

僕也

借肩紫燕

馬也

代步畫圖中人典籍中蠹

陸龜蒙

性野逸、時乘舟賣書釣魚、呼江湖散人

鳧舟釣月蠹簡吟風無懷野老忘機海翁

林逋

字君復、隱杭西湖孤山、三十年不入城市、今留放鶴亭、

香猶暗影還疎亭在鶴猶在山孤德不孤

焦先

獨止蝸牛廬、冬夏不衣、常不食、伐薪施人、廬焚露處、三召不出、年百餘、忽老忽少、

丹結雪中廬綠結雲中斧難定鏡中之覩

何點

柴車草履，隨意所適，必醉歸。梁帝賜鹿皮巾，拜常侍，辭與弟同隱。

鳧履穿雲鹿巾辭帝相勸榴花

酒名孔懷棠棣

王霸

王莽徵尚書，不稱臣，披髮入山。光武召不起，蓬戶褐衣，自高其志。

茂樹招香泉沐齒可折山腰足不加帝腹

周黨

散金賑宗族，三聘乃就車。陛見伏而不謁，自陳願守所志，隱居澗池。

九族睦三聘辭隱霧埋書案清風拂酒巵

向長

字子平，讀損益卦，知富貴不如貧賤。婚嫁畢，與禽慶遊五岳不返。

五嶽遍一禽和豈乏烟霞癖其如婚嫁何



夏鵬

貴池人與兄鴻撰十三代史畧畧辟不出子乾錫亦隱

鵬不搏鴻與俱跡留身後鑑志繼掌中珠

梁鴻

字伯鸞扶風人同妻變姓名居吳皋伯通家死葬要離墓側

五噫歌四皓賦眉齊皋伯廊魂旁要君墓

韋瓊

杜陵人徵辟不就琴書自娛周文賜號逍遙公日給河東酒一斗

彈夜月餐朝霞寧飲河東酒不賦亭北花

陸羽

字鴻漸隱茗嗜茶能辨水著茶經自稱桑苧翁人稱今接輿

水中精草中癖人謂接輿今吾比丹丘茶昔

弦高

隱於商秦襲鄭高矯鄭伯之命以十二牛犒秦師告鄭爲備得存國賞高遂逃

忠可矯詔廉不受賞智囊者流高尚之黨

鍾皓

少篤行爲二兄未仕避隱密山九辟不就諸儒作頌

纁帛空張塤篴同老頌漢諸儒續秦四皓

崔唐良

閩人下第買舟貿易不歸遇友卽遁留詩案有黃庭尊有酒少風波處便爲家

役名利逐波濤一網打不盡一篙撐得牢

皇甫謐

家貧帶經而耕累辟不就號立晏先生著高士傳

書橫牛角花點鶴衣鳥催布穀竹蠹珠璣



任棠

隱居授學有奇節太守龐參謁之以一大本薤水一盂抱兒孫置戶上龐悟

無言之教無鈴之鐸無絃之操無方之藥

樊英

順帝徵強輿入殿帝曰朕能生殺何慢命曰臣萬鍾不受簞食不厭帝不能屈

一膝不屈萬鍾何加君操霜露臣領烟霞

鄭敬

隱蟻坡精學督郵鄧敬過訪方釣折芰爲坐以荷薦肉剗瓠盈酒談彌日屢辟不就

芰可薦馨瓠可薦醕魚既聆音花亦解語

邴原

齊人公孫度聘歎曰雲中白鶴非燕雀所羅也郭瑀被徵曰此鴻安可致哉

郭指鴻邴指鶴弋可暗中施網無空裏落

胡昭

河南人，居陸渾山，躬耕力學。漢末賊亂，相戒勿犯胡居士境。

黃巾無犯青隴，可耕擁書萬卷，坐保百城。

袁閎

父爲彭城相，見諸父貴，感歎曰：「此三卻矣。」散髮絕跡，築土室自居。

三卻可鑒，三窟不營，三平日適，三徑風清。

蘇雲卿

與張浚善，避難東湖，灌園自給。浚入相，貽書招之，微服造訪，翌日遁去。

爰取潛卦，取遯梅自調，彼羹蔬且飽吾飯。

郭延卿

西京人，少與張文定、呂文穆遊。張、呂作相，薦之不就。葺亭藝花自娛。

萬卷胸中一尊花，下彼調鼎乎遜灌甕者。



沈顗

樵採著書叔勃貴歸不往勃就之送不踰  
聞勃曰吾今知貴不如賤也

多著述少寒溫雖貴不如賤豈卑可踰尊

鄧旦

絕意進取詩酒自適卜築東郭扁曰尚友  
郡檄下曰勿復敗吾佳思

書在左甕在右東郭履雖穿北山文不就

吳復古

謝去蔭官灌園教子隱居麻田山中常  
絕粒東坡弟兄雅重之

無米可炊有蔬可療無官可羈有子可教

王昭素

篤學不仕有至行市物隨言還直不較  
高下市人相戒勿欺

非徒淹貫不較錙銖志存猿鶴信及豚魚

董京

至洛陽被髮吟咏乞市得殘綿結覆與金帛棄之忽遁去寢處留石竹子詩二章

玩世殘綿遯世殘年遺世殘篇笑世殘延

王珪

築室南山號志堂居士左右松竹題曰竹隱鶴膝雞距白眉白眼皆竹名也

開鶴膝徑沐雞距泉白眉空谷白眼青天

羅威

性孝溫清必篤鄰牛犯穡刈芻納之老稚負戴必代任鄉間化之令召遂遁

溫清也勝華秋貧傭固爾負戴也賢祝牧遠矣

鄭樸

字子真谷口人修道王鳳聘之不屈楊雄盛稱其德名振京師馮翊刻石祠之

卻鳳詔效鴻冥影留石居士名重草玄亭



魏桓

被徵曰：進取行志，今後官可損乎？廐馬可戒乎？左右權豪可去乎？生行死歸，何有哉？

勢不可違，節不可折，莫把守真，錯比藏拙。

翟湯

潯陽人，操行介絕，屢辟不就。子莊、孫矯、曾孫法，克世其德，稱潯陽四隱。

箕裘克紹，松竹爭妍，老成猿鶴，並弄曾玄。

朱冲

清節好學，徵書至，逃入深山，鄰人失犢，誤認其犢，卽與之，有牛犯田禾，卽束芻送去。

負德公，德學愚公，愚持清節，節卻徵書書。

鄭樵

隱夾深山，字漁仲，博學好古，凡天文地理、藥石諸書，罔不究心，有志畧。

不山而樵，不水而漁，夔非不足，蠹亦有餘。

葉以清

尚節俠友死無子治葬餘悉與其弟妹過客寄橐卒後還之隱居蕭塘不赴召

重季布諾輕披裘金不欺生死自邁古今

龍丘萇

王莽累辟不就任延爲會稽尉以萇有原憲之節候吏相望於道

蟒難招鵠自許不累一片肝長皎千尺羽

梁震

唐末登第不仕高崇誨爲築室常披鶴氅自號荆門隱士跨黃牛出入

曾染汁不曳裾鶴衣歸帶雪牛角出橫書

韋退

絳州人放誕不拘浪跡秦晉以詩自名常跨白驢自舞石曼卿贈以詩

詩中狂酒中樂長跨白墮驢有驢休比羊公鶴



譙公

公孫述聘辭，叔以毒藥欲飲之，子泣求奉錢十萬贖父，許之。蜀平，帝祀中牢。

中牢崇祀一鳳高翔，藥甘如薺，銅亦生香。

王皓

述徵恐不至，先繫其妻子，曰：犬馬猶能識主，况人乎？自刎付使。

瓦難全，劍可伏。幾見井底蛙，能致雲中鵠。

韓福

涿州人，昭帝時以行誼徵，病。元鳳元年，賜帛歸，詔修孝弟以教鄉里。

鵠高舉，今鴻冥。飛翼不求附，今羽可爲儀。

郎詠

隱西山，業樵，入市遇人賣，曰：我西昌逸士，酒中人也。我既獻公所闕，公當惠我所無。

彼負薪者，豈壺隱哉？半肩風月，一肚茅柴。

酒名

謝遺塵

有道之士隱四明山之南雷有謝隱岩訪陸龜蒙言山中奇勝命賦九詩

塵不染石留踪栖真真豹隱選勝勝龜蒙

孟浩然

郡守韓朝宗入秦先約日引謁及期會文酒甚適人促之曰飲矣遑恤其他

約雖負道不同心可超物外塵不落杯中

王嘉

字子年貌醜滑稽不食穀隱東陽知未來事服器置架上人取自升著拾遺記

穀已辟物何關滑稽笑一世筆墨動三山

宗炳

好書畫臨山水佳處嘯傲忘歸劉毅辟辭曰栖丘飲谷三十年豈作折腰吏耶

好譬則蠹也嘯譬則鳳也聽鸛乎放鶴者



齧缺

堯問許由曰缺可配天乎曰缺聰明睿知性過人而乃以人受天彼且棄人而無天

天已冥身皆幻物我可渾忘古今無缺陷

孔嵩

備新野里卒友范式行識之歎息嵩曰侯嬴長守賤業晨門肆志抱關勅令代不去

贈綈故人○情抱關高士想各有志毋容強

翟法賜

柴桑人祖父俱高尚結茅廬山皮草為衣家人求之石室復遠徙終岩石間

衣草也與哉茹草也嗽石也與哉煮石也

范元琰

字伯珪錢塘人通經史佛義不出城市獨居如對賓惟園蔬為業辟命不就

蔬作鄰貧作賓禪作林書作城何羨弓旌

符融

陳留人妻亡無殮張元祖推車欲爲具棺不受土埋之與郭林宗並不仕終

賻不辭埋不土有道固可宗無情亦太苦

賈收

能詩善飲東坡作古木怪石書後曰賈貧有能月致米三石酒三斗終君世者贈之

詩○中○有○畫○畫○中○有○酒○酒○中○有○詩○詩○中○有○友○

龐德公

劉表訪耕隴上妻饁表問子孫計曰吾遺以安耳遂入鹿門

辭○君○璧○帛○遺○子○桑○麻○鹿○豕○道○友○雞○犬○仙○家○

田遊巖

入箕山號東鄰高宗親至門問之曰臣泉石膏肓烟霞痼疾

白○石○耽○青○松○戀○洗○耳○有○東○鄰○捫○心○無○北○面○



三才圖會

三才圖會

三才圖會

三才藻異

古董屠粹忠芝巖著

左 峴襄南校

人而別號傳者

蕭北斗

蕭鳴鳳弘治時督學江南

空冀北羣貢江南箭沈海無珠冲斗有劍

溫太歲

溫琮任御史按雲南時鎮守錢能貪橫民號閻羅琮制之

神羊觸角鬼蜮驚羣謾誇包老莫犯歲君



廿露頂

唐裴敬彝七歲能文

髮○曾○沐○露○腹○自○吞○雲○座○中○小○友○席○上○奇○珍○

霹靂手

唐裴琰之爲司戶年少刺史輕之使斷舊案數百道須臾判畢

神○斧○偶○試○鐵○案○迅○成○片○言○可○折○百○里○咸○驚○

徐白雲

馮汝弼檢古句閒耕明月種梅花恨無對徐七橋曰漫掃白雲看鳥跡

一○對○就○七○橋○工○揣○知○青○玉○案○長○帶○碧○雲○封○

况青天

明初吏薦爲郎特簡蘇守行便宜事初歛跡奸吏滑法一日盡擲死兼拏僚屬

眠○貓○邪○卧○虎○邪○

蕭惠開

會稽雞邪

賀

青○天○之○霹○靂○邪○

夜半客

王莽爲宰衡，甄豐旦夕入，時人語曰：夜半客，甄長伯。

暮夜無知。前席如鬼。吾知傾心。半皆搖尾。

白雲子

張白常挑一鐵葫蘆，得錢卽飲。鄭淡日與客投壺飲博，亦號此。

壺中日月袖裏烟霞。無心出岫，到處爲家。

少微先生

江贊政和中奏少微星見，舉遺逸，四聘不就，賜號此。

壑中逸。天上符蒲輪迴四出。松影笑三呼。

泰山有處士松。

青霞散人

計翼明家貧博學，醫卜自給，終身不娶。居吳作畫號此，甲申之變絕粒死。

孝本不與君平。與曹倉與顧厨，與絕粒不如。



男早魁

初虞世名士也善醫好奪人藏墨呼此得佳墨必遺山谷曰谷孝吾愛之

墨可療癰墨可磨人安知吸硯不可作霖

趙倚樓

趙嘏有長笛一聲人倚樓之句

笛聲遠秋思悠借贈前人句裁詩月滿樓

水月觀音

蔣凝侍郎有人物每至朝士家人咸為瑞

現宰官身具自在質過去白衣方來朱綬

平地神僊

塗謙至元間以功授懷遠將軍雅淡操行優悠山水

赴赴武夫謙謙君子酒肉丹丘烟霞青史

北門學士

劉禧之官弘文學士高宗密與叅決時政分相之權

華國文經邦畧金闕借權衡玉堂增鎖鑰

笑塢老人

曾澣清江人精易喜吟有城園二十畝內有含笑花數千株

花為開開境從心造一切榮枯付之一笑

雲壑道人

江西蔡柟以詩著稱此○种放辟穀日危坐看雲

贈詞雲邀种放同危坐水借徐凝洗惡詩

用東坡句

文場元帥

張九齡為詞人之冠號此○歐詩彈壓百怪無雄文

壓百怪掃千軍場中既奪幟地下必修文



三才圖會  
三  
材

四明狂客

賀知章夢遊帝居請爲道士還鄉賜剡州一曲

一曲○賜○歸○一○篇○贈○別○黃○冠○乞○休○青○史○復○絕○

江東步兵

張翰縱放曰使有身後名不如生前一杯酒

兵厨天塹武庫胸屯長驅驢背也獨戰鱸蓴

伏獵侍郎

蕭昺不知書常與嚴挺之言伏臘爲伏獵九齡聞而出之

杖○欵○訛○同○抵○授○誤○協○想○有○夏○苗○不○妨○伏○獵○

火迫鄼侯

源休與姚令言勸朱泚圍奉天休卽收貯圖籍曰我比蕭何子當曹參

逞○奸○謀○收○圖○籍○刀○筆○誅○其○心○祝○融○奪○其○魄○

黃撥沙

善視墓、畫地為圖、即知休咎、

紙上山川。眼前禍福。沙裏淘金。璞中剖玉。

黑崑崙

晉簡文無子、令相者閱宮人、時李后在、織坊、形長而黑、侍寢生孝武、

鳳落雞羣。龍生蛇腹。瀚海藏珠。崑岡出玉。

樓居子

常倫、正德進士、工書畫、善飲嘯、性喜神、僊、為評事、調壽州判歸、

虎之癡。之愷。驢之倒。鸞之嘯。總不出僊之所好。樓居

霧居子

黃璞、閩人大順中進士官校書、後不仕、黃巢兵入、戒勿犯、張微子服霧成僊、

不貪朱紱。不犯黃巾。豈效微子。飲霧栖真。



打地和尚

傳心要于馬祖、隱定襄、與虎豹居、有問法者、打地三下、或匿杖、開口而已

示性地空傳棒頭訣有口無心不須饒舌

扣冰古佛

崇安人名藻光、叅真覺師在瑞岩前有溪、遇冬輒扣冰而浴

鏤冰可觀飲冰可樂爭似浴冰一真不鑿

春山

冷齊賢善讀好施至正間賑乏所活甚衆鄉里德其好義

其博淵深其恩山律其座春風其溫冬日

學海

何休字邵公精研六經作公羊墨守左氏膏肓穀梁廢疾

尋源泗洙溯流公穀淹貫五車朝宗百谷

雲溪醉侯

種放得辟穀術居東明峯頂日望雲危坐水漲阻糧惟食芋栗嗜飲

嗜飲方辟穀術滿袖落雲霞餘糧存芋栗

灌園先生

宋儒呂南夫住新城西溪善文常欲修三國誌先剏齋名袞斧

無冠挂宋有恨吞吳春生秋殺負甕攜鋤

水精

周邯奴善入水相州井有光如虹入井出日一黃龍抱數顆明月珠熟寐

觀濶乎何如問其津探領乎何如櫻其鱗

水族

唐鄭注本姓魚冒為鄭時號魚鄭及用事號此

改換魚頭帶鈴狐類妄想吞舟終成砍膾



武一谷

武行德業採薪一谷之薪可盡負漢祖出獵見留帳下至節帥

終日折薪一朝應詔子行三軍必能增竈

連底凍

連庠嚴肅號此

堅可疑威寒應透骨能勵冰兢何妨火烈

儒林先生

常爽研綜五經百家辟命皆不就教授生徒七百餘人

詩曰時雨每沾書帶潤清風長送墨花香

山中宰相

陶弘景宋末爲侍讀辭歸華陽築樓

三層樓上月一片嶺頭雲塵雖隔政預聞

瓜圃鋤雲

邵誼休寧人洪武初訓導善篆隸工山水尤精寫紅梅墨菊

贈言一筆耕雲驚白鶴雲名半犁種雨覓青猿僕也

烟波釣徒

張志和居江湖稱此母夢楓生腹而產帝賜奴婢漁童樵青善圖山水

釣月無影畫風有聲作烟霞伴得童僕貞

閉門張

張宏碭山人永樂時知荊州政務既舉門絕私謁

門可羅雀情慮其薄梁可懸魚守慮其拘

括地黃

黃譽莆田人正統進士授御史遷浙江僉事摧奸去暴除草絕根

無生理無死法何如滋去惡滋樹德何如



池水清

韓仲善灼龜飲博每遊經年忘歸忽挈妓會飲正唱池水清其妻伺擊逃呼此

既能灼知胡不避竇龜固不靈獅亦善吼

轉般倉

王无咎傳荆公學號此言有欠無贏因人成能也安石薦韓絳號傳法沙門

難有餘不自量空腹笑曹倉

曹曾名書倉

傳燈鄰韓相

地癖

李愷善殖產伊州有膏腴自都至關田疇彌望

所爭七尺何計百年能保樂土不變桑田

壁飛

唐柴紹弟材力踴身若飛十數步常着靴上磚城飛越百尺樓閣無碍出為外官

捷若騰猿趨如飛鳥登壁雖佳破壁更好

顧建康

顧憲之姓清儉為政得民號此京師飲酒醇旨者號建康言清且美也

吏知飲水民樂飲醇獨清獨醒四顧何人

許洞庭

許棠洞庭詩四顧疑無地中流忽有山鳥飛應畏墜帆遠却如間最工號此

天與水聯地從人主詩腸酒腸舍君誰許

皮裏晉書

劉諒尤悉晉代故事

人物東西古今上一腹春秋半腔牛馬

冷面寒鐵

明御史周新為浙臬虎傷人請伏罪四錦衣上怒殺新史奏文星墜

屈虎威貽龍怒砥柱由之摧隕星職此故



鐵脚道人

夜半登祝融峯，日雲海蕩吾心胸。嘗雪中齧梅花。

雲蕩胸鐵裹脚齧得雪中梅採得雲中藥。

黑面僕射

後魏廣陵侯衍弟欽色黑號此。

豈其能齧鐵豈其能射石如吐墨勝曳白。

鐵面御史

趙抃入蜀琴鶴自隨彈劾不避。

公潔如鶴公清如琴公心如鐵公面如心。

笑面夜叉

蔡元慶對客滿面春風雖憎亦親厚人莫能測。王旭號黑面夜叉黑豹。

是人中鬼是笑中刀是王家豹是李家貓。

解事僕射

劉仁軌稱此與戴至德更日聽訟、嫗皆識之、齊澣呼解事舍人、

胸玲瓏手霹靂舍人可齊名村姥亦熟識

神僊童子

元嘉少俊左畫圓右畫方口誦經目數羊兼成詩律足書五言六事齊舉

六事兼五官綽豈乘天上麟復跨海中鶴

捫膝先生

宋俞汝礪靖康初不附和議入京與李綱語大奇之後直秘閣

此舌尚存此膝不屈捫蝨經綸委蛇黼黻

補唇先生

方干唇缺應十舉不與隱鑑湖遇醫補唇已老矣每拜必三號方三拜

祿不可干闕其可補吐鳳無慚對兔有伍



妬癡

李益與李賀齊名、多猜忌、閉妻妾過爲苛虐、散灰扃戶、

防○可○矣○灰○何○苦○如○遇○落○杖○獅○難○免○驅○車○塵○

癩殘

衡岳僧明瓚、性癩、食殘、李泌異之、往見正、

食○已○以○殘○食○人○以○半○黃○衣○白○衣○此○中○早○判○

乳嫗

宋何承天除著作郎、年老而諸佐並少、荀伯嘲此、何曰卿當云鳳皇將九子爾

筆○不○塗○鴉○門○無○題○鳳○嬰○鏐○堪○跨○乳○臭○何○用○

睡相

徐光傳爲相、喜論事、爲李旻等所嫉、後每聚議、但假寐而已、

稜○不○可○模○流○不○可○逐○假○此○卧○遊○亦○符○夢○卜○

著翅人

韓果破稽胡散其種落帝曰著翅之名何減飛將○沈光升竿破遼號肉飛僊

將鷹揚敵免脫射石共飛騰升竿並超越

比肩人

吳陸東美與妻朱氏寸步不離號此後妻卒陸不食死子弘亦號小比肩

愛而辟繼益痴縱堪化反目胡不效齊眉

大成將軍

王予可佛前稱諦摩龍釋道稱騶天公俊貴遊稱威錦堂主人文士稱此

文武兼名實托玉振金聲何大言之不作

方外司馬

謝奕與桓溫善辟為西安司馬猶恃舊好岸幘笑詠

好爵可縻曠懷難假非題橋人豈戀棧者



獨立使君

裴俠守河北入朝周太祖命獨立曰裴俠清慎獨最有如者並立衆默然

為○暮○夜○知○為○陽○春○脚○為○人○中○龍○為○雞○羣○鶴○

三覺侍郎

趙叔問為天官侍郎肥而善睡又厭客在省還家常挂歇息牌於門

戀○黑○甜○覆○公○餽○覓○得○鄭○人○蕉○忘○却○盧○生○粟○

癡姨

魏寵宦官符承祖其母姨楊不受餽遺曰姊榮不如妹無憂號此及祖敗得免

目○前○見○淺○事○後○慮○遲○祖○若○不○敗○姨○豈○不○痴○

謫僊

齊永明中會稽鍾山有姓蔡者養鼠數十隨呼去來

降○羽○客○班○長○社○君○技○跨○鶴○無○期○相○鼠○有○禮○

睡僊

夏侯隱者，攜布囊竹杖遊山水，閉目善睡，同行聞其鼾聲而不跌足，後不知所終。

脚跟著地，鼻息掀天，行行蝴蝶處處邯鄲。

書僊

長安妓曹文姬，工翰墨，任生投詩嫁之。五年，日玉樓賦召書同夫飛昇。

未驂鸞鶴先走龍蛇，青樓幻影玉樓飛花。

屠伯

晉荀晞嚴刻，殺人流血成川，弟純領青州更甚，謂小荀酷于大荀。嚴延年亦名此。

割邑如雞宰國如肉，既赤其流必赤其族。

旱母

蕭推深文，封南浦侯，歷淮南晉陵吳郡守，臨必赤地，死侯景節。谷楷忍酷名睇虎。

千里赤萬姓傷，既類一目虎難舞一足羊。



卷耳

韋慶木兩耳卷呼此女選為妃杜私賀曰僕固知之問曰卷耳后妃之德也

父不癡聾女歌淑德侍亶聰明聽好消息

續命

穆后婢端午進號此後主惑之亡賜代王達嬖諧妃死又賜李詢令布裙配春自殺

斗粟可春尺布可縫續命不永續膠不終

有琵琶絃斷詩

長齋公

明副都朱裳清廉自號安貧子環居土壁席門常茹菜按山東呼此

烏臺人重龍鬚名慣嘗何煩繡佛又效太常

水齋師

名歸空萬曆中入燕能半月不食日飲水數升號此太后創長椿寺居之

歸空不如歸宗聖飲水不若飲冰弗寄語長椿

僧

來夢兒

煬帝沉湎失度每寢須搖頓四體令韓俊娥振聳始寐

得藉溫柔。睡鄉可託。不醒迷樓。更誰喚覺。

晞髮子

謝翱倜儻慕屈平託興遠遊天祥被執登子陵臺酬哭取竹如意擊石作歌

尚志友散髮民酒灑文山雪歌落釣臺雲

長嘯公

范鎮有長嘯却胡騎賦及使契丹呼此

聲振蘇門。目空冀野。安得從龍。盡皆倚馬。

齊鬚公

許惇明敏遷尚書呼長顙公帝戲截之號此

喉舌既司。鬚眉何棄。補短絕長。天子無戲。



彭釘觔

唐人善相必中

冰鑑心麻衣面欲拔眼中釘難逃舌底劍

賈鐵嘴

五代周賈緯文筆未能過人而議論剛強受詔修實錄歷詆先達黜之

識已類蛙心還帶蝎不解緘金也來嚼鐵

弄叅軍

樂府錄始有贓濫和帝惜其才免罪每宴樂命優人戲弄辱之

蠅傳墨吏猴戲弄臣談笑之辱深於受刑

飛將軍

李廣大小七十餘戰以石為虎射之飲羽

臂擅通猿羽飲石虎數奇半生敵擒一鼓

四面觀音

正德時錦衣廖鵬妾鵬得罪封其室妾請見朱寧解之留五日鵬仍治事

四面閉一面開是救苦菩薩亦歡喜如來

應夢羅漢

禪月大師居定水院常夢遊他國岩阿親見大士覺而追想

偈曰漫道枕中無傳鉢誰知衣裏有藏珠

蒼頭公

朱沈慶之為將軍破山蠻患頭風常戴狐皮帽曹操見陳琳檄愈頭風

三軍可奪二豎難平誰其作檄救此干城

聖小兒

祖塋字元珍八歲能誦詩書徐勉之六歲能文號人中驥

與聖為徒寧馨共企天上之麟人中之驥



楊大肚

楊愔爲相，齊文宣使進廁籌，以其體肥，鞭背流血。李洛姬肚稱四大之一。

止、堪、進、一、籌、未、可、配、四、大、鞭、宜、加、鼎、何、賴、

楊大眼

勇冠六軍，以三丈擊髻走，繩直如矢，馬馳不及。妻潘氏同獵，對僚佐曰：潘將軍

目、不、轉、睛、足、不、旋、踵、彼、婦、之、雄、匹、夫、之、勇、

范長頭

范岫博涉，尤悉晉魏故事。沈約謂進止威儀當問之。

笑、子、愉、驢、捫、王、猛、蝨、俯、仰、六、朝、箴、規、四、勿、

王白鬚

王彪之年二十，鬚鬢皓然，壽同宣聖。林甫壻鄭平，鬚早白，食甘露羹而黑。

翩、然、少、皤、然、翁、不、美、調、羹、壻、寧、讓、棄、繻、童、

謝方眼

謝善勛為湘東叅軍，醉輒張眼大罵，不擇貴賤親疎而胸懷夷坦，有士操。

白○非○阮○儔○

阮方非倨伍，罵非灌夫喜非額簿。

陳驚坐

陳遵名重時，列侯有與同姓者至，人間曰：陳孟公坐皆震動，至非因號其人。

貴固可矜○姓亦宜擇○諸狐帶鈴一陳奪席

花見羞

後唐明宗妃，邠州餅家子也。朱溫將劉鄩侍兒亦號此，完顏亮妃名花不如。

識解語○誇含笑○花團扇若悲○秋菱花羞自照

去留馨

膠東異人自稱此，歌舞于市，後乘雲去。

飄飄御踏踏○歌翻身○衆香國歸老○亂雲窩



千里眼

魏王逸爲光州守，廣設耳目。

爾視既長。爾聰宜察。信耳者聾。信目者瞎。

夫鐵脚

長蘆應夫禪師至一邱，有娼女爲母所迫，入其房不去。師跣趺達旦，叢林呼此。

踏定脚跟。頓空色界。淫咒迷天。金剛不壞。

短主簿

王珣有奇才，大司馬拔爲主簿，語曰：額叅軍短主簿，能令公喜，能令公怒。

歎矮屋。笑侏儒。才還跨隱鵠。陸雲號此。險豈類短狐。蜮也。

醜舍人

荀士遜貌醜，以文詞重，奏事傳通者不得姓名，乃呼此。帝曰：必遜也。

種八龍才。造五鳳手。美擲果車。笑斲窻友。

謝○白○面

謝石患面瘡止岩下忽有物舐其創卽愈疑是爲龍舐處悉白

龍○舐○舌○雪○添○顏○不○愁○湯○餅○試○終○愧○玉○筍○班○

趙○鐵○頭

趙珣無錫人剛毅不畏強禦水利畢修邑人德之

豈○乏○鐵○肝○非○止○強○項○澤○有○源○流○羣○知○瞻○仰○

春○夢○婆

東坡在儋州負大瓢行歌南畝饁婦七十曰內翰富貴一場春夢坡然之因名

螻○蟻○甫○醒○蝴○蝶○重○迷○顙○公○先○覺○婆○子○還○痴○

風○法○華

京師開寶寺僧姓張好酒及法華經言語散亂不矜細行酒有公鹿羹

春○風○驢○背○

也酒上花雨鹿羹中不矜細亦忘空



李鼻涕

宋紹聖初寓秀州有求藥以鼻涕和垢賦爲丸與之立効取空餅覆紙成美酒

囊無百草甕有雙泉

名酒玉盧一滴盡是九還鼻名

呂疔瘡

成化間遊襄洛冬卧雪夏披褐好狎兒童競爲結髻如螺搖首髮理隴右上昇

隨身無寒暑滿目盡瘡痍兒可戲天可梯

獨腕尼

顓兵楊炯亡妻柳氏屢縊救免豪家慕色爭娶姑逼行豪牽其手卽斷腕爲尼

臂已斷玉無瑕心無慚栢葉舌可吐蓮花

袒膊僧

名知亮唐居德化恒一膊乞市累月不食能詩預戒陳叔幾改名籍得策

吐而墨卜而祿辟而穀盍燒而臂洞而腹

水淫

何佟之好潔

誠曰潔則潔休便休洗心濯慮不在東流

湯佛

吳僧文了善烹茶遊荆南高保勉父子呼此奏授華亭水大師上人又呼乳妖

偈曰水不竭火不滅自在碧雲如來香雪

張鐵脚

聞喜人漢末善服氣能一足立數日邑人立長春觀居之

公關透丹鼎調影翻一足鶴栖借半枝鶴

王哨腿

安邑人不讀書善作詩賦格蒼老後過河南下筆如神人師事之

聲中金筆中鐵莫將下水船

裴延錯比無字碣崔



長鬚方士

劉瑜學方正對策高第許惇長額號入鐵簿王敬弘端方號彈碁勢

紅綾啖白璧藏可方入鐵許莫笑彈碁王

白眼相公

張允仲性暴眸子多白

多暴物亦凌人如邀大阮盼難假半邊青

鐵肝御史

劉顗言事貶蘇軾遺詩有烏府先生鐵作肝句因名

面不冷腸亦剛地天懸諫草肝膽照詩章

赤眼歸宗

歸宗智常師重瞳而赤李渤問芥子何能納須彌曰讀書萬卷藏何處

一拳打得破一言道得破一眼看得破呵

長臂道者

名全泰。顯德六年重建開岩寺。滅後舌根不壞。見天台。

根不壞。舌不敝。結得天台緣。助得人間臂。

鵝頭法師

名道孚。燕京獅子岩十八盤及戒壇畫地開山。慧遠講經。一鵝隨聽。

卓錫祖受戒身。當年說法處。必有一鵝聽。

慚愧祖師

潘了拳。聞人解法悟道。行雨露弗濡。咸通中坐化。

體不沾。悟不錯。仰不愧。俯不忤。歸路尋著。

印手菩薩

道安頂有梵字。左臂皮寬寸許。可通師佛圖澄。孝武詔褒。稱東方聖人。

通。天。臂。梵。字。身。錫。飛。褒。手。詔。絮。拔。  
圖澄拔。續心燈。絮放光。



通明相

翟方進徙京兆尹豪強畏之拜相以儒雅緣飾法律

濟○猛○復○濟○寬○讀○書○兼○讀○律○何○強○禦○之○不○緝○

時明宰

羅衡爲茂陵令化洽徙閬中令號此爲萬年令路不拾遺

三○疊○琴○心○一○壺○冰○質○花○笑○春○風○人○遊○化○日○

脇尊者

十祖未嘗睡以其脇不至席因名

寧○杖○藜○莫○貼○席○君○可○却○睡○魔○誰○能○醫○錢○癖○

三鬚娘

明卓四商于鄭陽見主家婦美領下生鬚三縹約十莖長數寸

世○多○鬚○眉○而○存○婦○態○焉○知○此○不○有○丈○夫○槩○

風流宰相

謝安

政事暇○絲竹遊○從無假道○學方是真風流○

清白宰相

宋杜衍○苞苴不敢到其門○

與却後○寧杜前○我不曲其徑○誰敢二其天○

白足和尚

曇如足白于面○涉泥不污○魏滅佛寺○杖錫至宮門○斬之不殞○

涉泥不污○行雲自若○捨宮門身立沙門脚○

赤髭尊者

佈馱耶吾○蜀賓國僧○至姑臧遣邀羅什○咒水洗足○夜行數百里入廬山○

祇園授手○蓮社潛身○口藏閃電○足帶飛雲○



高無賴

南楚閩楚奉梁朔歲貢假道荆南從誨邀掠之後諸國請王誨利賜所向稱臣

行無恥求無奈笑曰無貳爾心惟君是賴

費鐵嘴

宋伐蜀蜀懼訪羣臣拒天兵費越班對云臣則斷定不敢

順逆機一言決非天德之剛亦時務之傑

醉吟先生

白居易自稱醉尹著醉吟先生傳

詩偏留婦解飲獨倩僧陪知者樂達所爲

清凉居士

韓世忠歸舍釋老自號此時跨驢攜酒遊西湖諸將罕見

此急流勇退中人也印月禪談臨風杯灑

趙鼻涕

臨安令罷軟名此民錢德明狀名下書年趙悞讀曰不稱今年何稱明年責之

盲於心○流於鼻○去後之思○不墮淚而垂涕○

尹蓬頭

持杖披羽童顏鶴髮問年曰歷紹興來三百十一歲扣不答自天台來見之

散步何須竹○問年不記松○脚未赤頭已蓬○

額婦

宋楊存中多額而好逢迎號此

如其擁篲○必善司厨○如其敷粉○必想割鬚○

癭相

王欽若貌短小項有瘤目此

經閉戶○瓢挂頭○其君之積蠹○其臣之贅瘤○



殺公掾

陳留周震累為諸府所辟書下公輒亡  
魏舒辟之無恙稱其詞命

詞命優刀筆賴錯比鴈鷗中誰辨驪黃外

肉飛僊

沈光少驍捷善戲馬從煬帝攻遼升竿  
上殺賊帝置左右死江都難

疾若飛鳬捷同驚鹿桃花超距遼海有瓊花折足

伏不鬪

伏湛字惠公清淨無競

將為守雌焉烟火僊將為守寂焉文字禪

楊無敵

楊業為漢守太原太宗知其勇諭其兄  
招之降授大將軍

智能擇主勇可絕倫翼天之吏種將之門

洪活佛

洪皓治秀州饑賑荒錢盡會浙東輓米四萬過截留之罪當死願以身易

持○蘇○武○節○發○汲○黯○倉○方○知○鐵○漢○卽○是○慈○航○

牟羅漢

眉人名安遇僊教食栢子偶水漲乘笠渡江

如○鸞○啖○栢○如○摩○渡○葦○美○門○傳○方○空○門○得○髓○

生菩薩

薛調美姿寬恕號此爲學士郭妃悅之劉元章愛其風韻去而復留者數四

莊○嚴○色○相○水○月○慈○悲○官○人○瞻○禮○學○士○皈○依○

生羅刹

張和思斷獄囚見之膽破生男女手足皆有肉柵束縛後坐法死

爲○報○張○羅○慘○難○免○入○甕○愁○而○况○子○卽○爲○囚○



草聖

張旭學書池水盡墨衣帛必書而後練呼顛長史弟昶名亞聖

魚○知○飲○墨○免○解○揮○裳○難○兄○難○弟○作○聖○作○狂○

醉聖

李白每醉為文未嘗差誤又名謫僊

萬○事○無○過○百○篇○惟○命○臣○自○稱○僊○人○傳○中○聖○

張且斬

張勛殘忍破邑但揚言且斬多罹演殺將赴衡州民泣曰張且斬至矣

巷○哭○先○傳○民○命○如○草○且○勿○誇○張○將○軍○難○老○

張曳白

唐苗晉卿知選以張爽為第一公宗覆試不成一字

博○得○柳○沾○何○愁○茅○塞○作○吏○一○行○自○然○染○墨○

聰明尉

魏奉古尉雍丘九日公宴客草序五百言古曰舊文也援筆疏之駭曰適記耳

過目成誦弄假成真既膺百里莫誤一生

聶需翁

竇鞏元和中丞能詩性溫雅不能持論欲言吻動而不發白居易目此

吐鳳無慚捫蝨有碍結社詩翁期期艾艾

三目僧

王曇生棄野鹿銜養長為僧左肱一目百法皆通起肱目編藏經二千餘卷

胎墮塵股添目翻貝有雞聽臨泉無鹿哭

鹿哭泉即其事

獨角僊

巴人數百歲無名頂生角說多精微忽人江變鯉角尚在常還家飲讌

跨鶴何艱騎驢何慕點額有年攀額無路

名酒



落翮僊

王次仲變隸，始皇召不至，遣使殺之，變大鳥飛去，使拜墮三翮報命。

不習蝌文，寧甘羽化，兩翮山頭呼之不下。

有大翮，小翮山。

連眉師

曇摩密多，生而連眉，自龜茲入中國，有伽毘羅神，衛送至京，圖神像有聲。

曾假音容，不忘面目，鹿苑白眉龜茲赤足。

張生鐵

晉人，圍糧竭，欲降，張叔達曰：「吾受晉國厚恩，力盡，斬我出降，遂斬達降，葬以禮。」

斗爲膽鐵，作肝孤城，炊骨白一劍表心丹。

李浪子

朱李邦彥，本銀工子，美風姿，爲文工敏，習猥鄙事，善謳謔，爲古丞。

咳珠乎冠，玉乎繡虎，乎驚蝶乎梁之鵲乎。

王夜叉

宋王德以十六騎入隆德府縛金守臣姚太師獻欽宗問狀曰縛時止見夜叉

膽已破面應藍死歸羅刹道生入鬼門關

邊佛子

邊鎬克建州俘獲皆全號佛子克潭州市不易肆號菩薩為節度號和尚

是岸是邊即心即佛到處開曇問誰付拂

傳法沙門

安石罷相薦韓絳呂惠卿以代絳號此惠卿號護法善神

傳拘鉢假福田青苗作苾芻黃閣藉蒲團

耐辱居士

司空圖拜諫議不赴隱中條山號此

守柱下雌忍空門辱追白傳香闢王官谷

司空圖隱此



趙縮手

嘗縮兩手于胸前見僊鑑

問誰掣肘○未得開懷○胸藏五嶽氣○攝三台○

吳還魂

病熱死殮忽有鬼披髮入人驚走暮還棺開空矣數月附書云鬼救活歲餘歸

人成鬼○鬼活人○鬼何不自活○人還可再生○

聰明小兒

盧莊道十六擢策為河北尉太常謂此東坡云我被聰明悞一生

快○早○登○慮○學○製○聰○明○悟○一○生○坡○言○良○足○記○

孝友童子

陳饒奴十二父母亡寡弱居喪歲饑或勸分弟妹可全命饒泣自丐養之

同孤苦○將誰棄○成志即成仁○全生亦全義○

孔獨誦

孔休源爲議曹郎每諫議訪問前事卽以所誦隨機決斷任昉謂之

狐疑決蠹簡藏過庭有遺訓築舍無道旁

王獨坐

王閔遷冀州刺史不發私書不畏強禦

公○能○令○人○畏○清○反○畏○人○知○能○慎○獨○在○母○欺○

三歲神童

蔡伯儂童試未二過真宗賜詩初能學步來朝闕方及能言解作詩授官

方脫乳已通書授官膺帝眷作聖在蒙初

四勿居士

蔣硯奉化人慶元進士官御史自誓曰勿欺心勿負主勿求田勿問舍

官箴乎家訓乎四知天地客四目聖賢徒



高坐道人

西域尸梨密、讓國于弟、為沙門、順帝時、瑯琊宮崇上、師于吉、不肯作漢語、

帝子無佛子、無趺足、無傳心、無無、無亦無、

龍威丈人

名毛萇、吳使探洞庭穴、七十日返得素書、遣問孔子、曰、此禹書、言神僊事、

與其搏羊珠

九館大夫事、何如獲蟲書、丈其人、中龍乎、

歷山飛

唐上谷賊帥號漫天、擁數萬掠幽州死、西將魏刀兒代領眾號此、竇建德破之、

漫天族掠地存、出山疑有翼、入竇恐無魂、

常不輕

一僧不誦經、見諸僧皆拜、讚云、我不敢輕慢汝等、當得作佛、屢被辱復然、

人情難服、厚且然、而况薄僧、且然、而况俗、

一錢太守

劉寵守會稽清廉，辭去父老齋送百錢，選一大錢受之，投于水。今名錢清。

道有與碑水存明券五馬可師雙魚莫羨

雙魚錢名

百紙叅軍

杜暹婺州叅軍，歸吏以紙萬番贐之，止受百，衆歎曰：何異一錢清吏。

操既冰清情非紙薄一文西泉一張留橐

青錢學士

張鷟之文如青錢，萬選萬中，諸番遣使必重購其文。

中萬選掃千軍有聲施重譯無價定斯文

白蠟明經

董方九舉不第號此。

欲調玉燭望撒金蓮青氈空老慚對青錢



八磚學士

唐李程性懶每入堦前日影必踰八磚程以賦日五色首唱

賦○成○五○色○卧○穩○三○竿○不○慚○雕○錦○恐○笑○磨○甄○

十錢主簿

元慶為太尉主簿事無大小得物後判多寡取之

鵝○眼○勾○稽○蠅○頭○輻○輳○一○文○錢○青○十○文○銅○臭○

白衣尚書

鄭均兄為吏貪諫不聽乃躬傭以奉兄感為廉仕漢直言歸賜祿終

祿○千○鍾○雲○一○朶○開○殘○棠○棣○花○結○成○橄○欖○果○

橄欖名諫果

黑衣宰相

朱慧琳道人與朝廷大事着高履披貂裘置造呈書權作宰相孔顓歎此

侍○香○案○服○公○裳○苟○能○驅○鬼○蜮○不○愧○爕○陰○陽○

麻膏相公

崔賢五拜相奸險其父名慎由人避諱呼油爲麻膏

既方劉蜺胡類李猫膏已竭矣鼎將安調

曲子相公

晉相和凝小好爲詞曲布于汴洛及相焚毀不暇終玷厚重契丹人號此

詞已播悔何及所以年少才華不宜放逸

黃瓢少師

郭祚從東宮肅宗幼懷黃瓢出奉時趙桃子用事祚私事又號桃子僕射

桃愛方弛瓜期已及黃臺離離青宮岌岌

璽口學士

黃縉好文如澄湖一碧萬頃凡大詔令皆出其手

出入絲綸淋漓筆硯天上紫泥人間黃絹



伴食宰相

盧懷慎與姚崇對掌樞密慎以吏道不及崇皆推讓之身退薦宋璟

桃李自公葫蘆退食畱得心虛何妨口實

斲窓舍人

楊滔為中書時促命制勅令史持庫鑰他適無舊本檢尋斲窓取之

不聞引燭乃至鑿窓腹笥何在貽笑玉堂

三經處士

易克分宜人十六博通易詩書從學甚重任延十二亦通三經號聖童

既聞處士復見聖童一經皓首慚愧儒宗

五斗先生

王績以周易老子置牀頭暇則開卷命酌又號斗酒學士

乾坤一畫道德千餘醉鄉不醒錯認漢書

鐙脚刺史

唐薛大鼎守滄州復魚鹽除水患與冀守賈敦頤瀛守鄭得本齊名

三異齊名兩岐並目若使和羹無虞覆餗

麴部尚書

汝陽王璿自稱釀王兼號此家有酒法號甘露經

敵步兵厨了吏部債麴蘖天工沉湎世界

水晶燈籠

劉隨爲司諫以清直聞通判成都明銳號此卒貧賜錢六十萬

性同止水明燭窮檐鬼驚犀照人駭秦懸

照天蠟燭

田元均治成都有聲

鑑影覆盆齊光若木

木端安得千枝照臨蒨屋



披褐先生

臧榮緒好學隱居京口以宣尼生庚子陳五經拜之○王猛被褐見桓溫

耽五經披一褐類捫蝨衣冠師泣麟日月

織簾先生

沈麟士字雲禎居貧織簾讀書口手不息博通經史從學數百

蝦鬚長捲蠹簡頻掀得心應手得意忘言

琵琶弟子

貴妃奏琵琶音韻悽然飄出雲外諸王郡主號國以下皆師妃號此

明妃難學文姬易求先生別調弟子別舟

腰鼓兄弟

沈冲與兄淡深名譽有優劣號此三人並列御史中丞皆為司直

聯驄馬轡聽塤箎鳴誰其腰折貽笑皮紉鼓也

三車和尚

窺基行駕累載呼此訪宣律師天饌不至去乃降神曰大乘菩薩在故遲

心已空御何故得闔小法門方闢大乘路

三刀禪師

居蘆江顯寧院黃巢亂執之砍三刀無血

五蘊空五兵辟竊笑斬黃腰誰憐化白骨

斬黃腰獸巢敗

豆腐御史

丁俊豐城人永樂時按福建食惟豆腐

職列蘭臺餐惟菽乳不學飢鷹豈貪腐鼠

花糕員外

顯德中皇建寺旁有糕坊主人由入貲爲員外其糕有滿天星大小虹橋

肩攜星斗足跨虹橋錢神錫福粉署題糕



文章太守

馬文璧洪武中知撫州清儉長詩文杜牧之號紫薇太守

映冰玉吐珠璣此日王青萊前身杜紫薇

王質呼青萊王

金粟道人

顧仲瑛讀書茜徑日宴客賦詩張士誠辟不就後廬墓悟釋道祝髮

始愛逃禪終歸合什詩酒半生行藏一粒

隨駕處士

盧藏用初隱終南有意當世晚殉權驕縱素節盡矣

無星犯座有客執鞭虛聲議後捷徑開先

負圖先生

李克自言三百歲荷草舂負五嶽真圖謁武帝帝禮待之

花甲五週襟期五嶽石榻修羊金門野鶴

鐵冠道人

張景和從明祖戰鄱陽更定金陵營建忽投大中橋潼關吏奏是日出關

知鐵柱災定金陵址不挂不彈不生不死

麻衣道者

錢若水見希夷于華山一老僧竈爐熟視曰急流勇退中人也僧即麻衣

坐冰鑑中立火宅外了了丰姿草草衣帶

船子和尚

名海誠垂釣華亭善會師授以宗旨覆舟而逝

禪在船外絲綸不帶禪在船中水月一空

莎衣道人

雒陽人姓何舉進士不第作狂丐衣敝緝以莎臨池照影大悟賜號通公

不點朱衣并披綠草泡影已空地天同老



近世肉譜

韓溥周時司門侍郎多知唐朝氏族  
○李守素亦號此

昔尚豐腴近趨薄弱君腹便便獨供咀嚼

黑漆書厨

張大中經史一覽不忘目此  
○陳濟號兩脚書厨吳時號立地書厨

著脚可行著地可立滿腹皆笥渾身是漆

張鋤柄

永福人鬻鋤柄貌醜口能容拳遇僊授  
桃嗽半知未來作字古勁

烟霞杞柄金石揮毫何年御李食我餘桃

何蓑衣

胸山書生結廬蘇之天慶觀求醫者持  
一蓑草即愈孝宗常默禱往問皆應

還丹草照膽銅不釣披蓑月長占補袞風

筌相

陳升之產時、褥得蛇殼、腹脫一鱗、升之腹有一鱗、博學、封秀國公、與安石不合、貶去

豈設餌亦撓鱗、既不附新法、何難理舊綸

畫聖

楊子華畫馬于壁、每夕必踞齧長鳴、

點睛龍、齧蹄馬、壁上傳神乎、筆中超凡者

木聖

張衡馬忠善刻削之巧、

嬾弄丸、踰鏤楮、流馬遜其籌、飛鳶戢其羽

漢聖

劉臻精于兩漢書、

兩京羽翼、一代雌雄、先聖後聖、自西自東



棋聖 嚴子卿馬浮明

經以手傳道從子証為之猶賢具曰予聖

書聖 衛協張墨

道統邪心統邪其果伏之傳而勝之授邪 夏侯勝

易聖 唐衛大經遂于易

語子夫易其孰能愈此若聖其孰能當此

書淫 劉孝標博極羣書文藻秀出號此皇甫謐亦號此寶威勲貴耽文號書癡

含咀英華寤歌寢食從善如流好德如色

書倉

曹曾號此。李璣號書樓。隋公孫景茂號書庫。唐允功號書厨。

殷殷紅朽累累青箱石渠天祿車載斗量

書簾

唐李善字次孫貫淹今古不能屬詞號此。註文選得名從遊者衆。

柳篋可開曹倉可爵君類括囊問誰司鑰

學府

傅昭仕梁戶尚書博極古今

六腑雖狹百城所藏職司倉庫道見羹墻

經苑

任永年十四編茅爲庵削荆作筆夜映星月暗則煥蒿照讀

煥蒿勝煥蒸映星猶映雪會古今之筆舌



戴帽餉

陳梁彥光靜鎮岐州課最居下州俗狡詐呼此坐免後復請守相州發摘如神

含○飴○弄○民○飲○醇○處○已○會○稽○雞○乎○得○霜○鷹○爾○

釘座梨

崔遠人聞清麗言席上珍也

入○座○生○風○快○談○爽○口○蒸○哀○世○多○賜○燒○誰○偶○

豐年玉

庾元康

萬○寶○告○成○千○倉○露○積○輯○瑞○明○堂○薦○馨○穀○璧○

荒年穀

王稚恭

樂○一○畝○宮○富○千○鍾○粟○更○勝○雨○珠○不○愁○剗○肉○

無口匏

李沆又號聖相

負作聖才○饒和羹術○依樣葫蘆○自求口實○

沒字碑

崔協不識文字○虛有儀表呼此○趙崇安叔干俱號此

蠢爾肉癡胸○無墨跡○肖摩崖碑○憶點頭石○

和鼓

張士遜曹利用所薦也○利用憑寵自恣○遜依違其間○目此用斥遜亦罷

和而流○倚附者鑑茲○鳴而攻○躁進者鑑茲○

穿錐

章武郡王庫狄干不知書○署名爲千字○逆上畫之

札已穿筆○何慕鳥跡○可倒行○龜鈕應左顧○



筆公

古弼頭尖號此。○魏主與劉樹奕弼奏事、

梓○碁○鋒○櫻○免○冠○穎○脫○狐○史○直○書○鵷○班○首○拔○

璧人

衛玠乘白羊車于洛市、觀者咸曰、誰家璧人、州黨號之、裴楷爲吏部侍郎、號玉人、

行○吟○白○雪○坐○對○梨○花○臨○風○玉○樹○妬○殺○蒹○葭○

石經

漢造三字石經于太學、疑者皆質于劉芳號此、陸義官散騎常侍、精五經、亦謂此

經○以○人○傳○石○不○如○肉○人○以○經○傳○劉○不○遜○陸○

冰鏡

晉衛瓘稱樂廣也、龐德公司馬徽俱名此、

三○美○錚○錚○一○輪○皎○皎○國○士○翩○翩○先○生○好○好○

繡囊

馬融勤學夢林花如錦繡摘食之及覺天  
下文詞皆曉

不○學○雕○蟲○自○成○吐○鳳○安○得○吞○花○與○之○同○夢○

灰袋

蜀道士陽狂大雪氣蒸如炊張口如箕五  
臟悉露不知所終

照○肝○膽○秘○行○藏○古○今○一○灰○劫○天○地○一○空○囊○

雙珠

孟顗與兄昶並美丰姿

入○掌○纍○纍○照○乘○翩○翩○蟻○穿○九○曲○蚌○法○三○遷○

連壁

夏侯湛與潘岳同車京師謂之

茵○可○聯○果○同○食○投○我○以○木○桃○報○之○以○垂○棘○



酒吃

焦遂口吃對客不能出一言醉後酬答如注目此

醒艾艾醉翩翩丁稜坐上客子美飲中僊

梅香

梅學士詢喜調香時人呼此

用汝薦馨香名可嘲用汝作鹽梅鼎可調

智囊

晁錯爲太子家令以辨得幸後七國反斬東市。樗里子魯匡杜預俱稱此

知在機先變生事後明哲保身括囊无咎

青箱

沈約子自幼博學號此。王淮二博聞強記號青箱世家柳燦名柳篋子

詠難跨八博可兼三李籤不數柳篋無慚

沈約有八詠樓

稠錫和尚

唐時卓錫雨嶽庵稠木自開下山歸衆不納忽偕虎至衆懼請

飛錫徒艱返瓢忘德猛虎可降野狐難測

金珠御史

王孫全以侍御爲廣轉運使兼市舶舊抽稅必擇精者全精粗兼收人悅

取不擇貪不殘縱愧還珠浦也過擲金灘

膳祖

段丞相有老婢名此

笑鹽梅調羹餐朝無折頸瓠懷家美重裙釐

鐵漢

蜀李遵懿有婦態太祖射以氈頭箭中腹不動曰外柔內勁授供奉握兵江淮號此

厥貌如花厥心如鐵羅漢星光子房風骨

楊羅漢號鐵星



酒禿

姓高名含寂博綜脫畧酷飲後主召講華嚴厚賜即付酒家醉死華子岡

生不醒

死不疾口散曼陀花即天身葬波羅蜜也酒

香尉

漢雍仲子進南海香物拜洛陽尉

官由斑鷓味若爛羊崔有遺臭雍無畱香

香有鷓鴣斑

錢癖

和嶠富而吝

此病頗多盲醫不白請授一方烟霞泉石

鍼神

魏文帝美人薛靈芸帝改爲夜來妙鍼工能暗中裁剪

十指工奇七襄巧竊夜來神交吳宮三絕

吳夫人號三絕

杯渡

晉僧常乘大杯渡河、分身變幻、往來莫測、惟荷蘆團、見中有四小兒長數寸

借羽化杯作濟川筏四兒登肩一輩傳鉢

餅隱

申屠有涯、宋時居陽美、攜餅渡舟、飲酒大吐、衆逐登岸、吟詩跳入餅中

壺裏乾坤餅中詩酒安得長房酌君大斗

香兒

元載妾薛瓊英、幼以香雜食之、長而肌香

長怯龍綃幼含雞舌縱伴籠紗難解塞韃

元載塞臭韃死

粉郎

何晏也管輅謂之鬼幽

不事鉛華居然冠玉豈作人妖致譏鬼哭



衲被

楊億爲文用故事嘗令人檢出處每段用片紙錄粘○韓昭藝如折韞線無一條長

蠹簡未工

獺祭何謂雖觀線長何堪紙貴

珍味

穆寧有家法四子和粹目此以贊爲酪質爲酥員爲醍賞爲乳也

同乳易名

飲醇見性三月聞韶一朝待聘

白衣虢將

薛仁貴披白袍所向無敵太宗遙見問白衣先鋒是誰引見賜馬絹

犬虎同羣

蛇龍莫擇一戰公黃始分皂白

小冠子夏

杜欽與杜鄴齊名俱字子夏欽盲人謂盲子夏惡之加小冠二字

眇視何傷

易冠何巧商亦喪明君何見小

五經笥

任昉號此稱千里駒元龜指南任永號經苑房暉號五經庫許懋號經史笥

一驥空羣五總拔萃美爾指南問誰掃地

九經庫

谷那律淹貫羣書貞觀中諫議大夫陳濟名九經書厨僧彥範名劉九經

六甲胸藏九丘腹裏朝笑斲窓夕趨拜瑣

柳匣子

柳燦拜相博洽

千古經綸一腔收拾我欲探囊誰知負笈

王帽子

爲人修敝冠在涪州天慶觀尸解道士墓之月餘自果山貽書致謝

爲世整冠謝人埋趾改換頭顱撥開生死



胡草鞋

豫章胡文妻年少守節織布給食著草鞋每持布出人爭買不二價

松栢自矢

機杼可託布不爭舛履堪化鶴

鳳子草履化鶴

陳蒲鞋

陳道明初遊方契旨于黃檗後入開元寺作蒲履施途貨履養母

隻手業青蒲寸心契黃檗善果圓孝思格

鐵補闕

唐楊貽德

知直難容寧剛易折肯曰緘金彌縱其闕

金總管

金徒單恭為太原尹自稱見佛像當以金鑄賦屬縣金盡屬其家

明求布助暗施貪科宰官羅刹屬吏檀那

玉界尺

趙元逢仕梁及唐文學德行風神秀異號此歐陽文豪曼卿詩豪杜默歌豪

秉直方全温栗有味乎三豪無玷乎四勿

肉腰刀

李林甫嘗以甘言誘人之過多所陷害謂之李貓

腹刃吹毛舌鋒削骨捕鼠非長殺人無血

香唾盂

明嚴世蕃怙寵驕恣卧唾必一美女口承方發聲而口已巧就

唾面鳴謙唾壺叶律香借口脂臭遺口實

肉雙陸

嚴世蕃雜用錦罽織成雙陸點位用美女三十人衣別二色喝點而女已至位

錦衣傀儡紅袖擣菹縱然獲雉終是迷狐



肉屏風

楊國忠冬月令婢妾肥大者圍之一云肉陣

肉陣成圍風障可息○豈料冰山終消日出○

肉臺盤

南唐孫晟食不設几使衆妓各執一器環立而侍

見此粲者○旨且多○不素餐兮○如此粲者何○

車丞相

田千秋訟戾太子冤旬月拜相封侯年老得小車入宮殿門號小車千秋

小人剥廬○君子得興○覆盆既雪○覆轍何虞○

筭博士

駱賓王好以數對如秦地重關一百二漢家離宮三十六

生也不偶○筭亦何補○抔土尺孤○一檄千古○

來齧鋏

唐來瑱守潁川賊懼目此

食如昆兔○畏若蜀虎○誰可並君○入鐵主簿○

許惇號此

薛出油

宋薛簡肅公尹京尚嚴呼此後知成都  
隨俗遊戲作春遊詞十首自號薛春遊

風俗均陶○寬嚴並鑄○不竭民膏○陽春到處○

朱絲繩

晉王綦方正亮直稱此

非墨之染○惡紫之奪○料木之從○如矢之發○

黃冠子

唐李播仕隋棄官爲道士

青雲無路○白雲有家○楊花飛盡○尋醉瓊花○



三才圖會  
方響女

鄭文女生而能言善方響貴妃欲取忽失三年復歸曰我上清方響妓也

遊凡俗調麤賓不應玉環詔恐蒙羯鼓塵

粥飯僧

李愚爲相迂闊廢事帝目之

調羹不解叢脞如何登庸衣鉢伴食頭陀

董五經

隱嵩山程子訪不值途遇董曰非程先生乎知來入城置茶果復至甚洽

明乎濂乎著乎蔡乎庫乎  
房  
笥乎  
任  
然乎  
否乎

任五經

南都人蒲鹵母任氏知書里中號此鹵勿開敏元豐中進士遷大夫

書中蠹母中師既能使後達何必效前知

董五經能前知

冬田翁

盧從愿爲刑尚、盛殖良田帝目之、

弗念穀貽莫知苗碩欲種心田先平肺石

蒲衣子

蒲縣人以衣蒲故名、或云姓伊名疇堯聞其賢往師之有講經臺、舜讓位不受

桂○可以○招○蒲○不○能○聘○遐○哉○帝○師○振○衣○千○仞○

萬石君

竇禹鈞也○漢石奮秦彭唐張文瓘俱號此嚴延年母五子皆顯號萬石姬

硯○田○熟○盈○庭○產○珠○玉○桂○子○馥○萬○斛○收○金○粟○

實氏五桂

三刀兵

唐崔昭刺壽州斬健兒三刀自折問故曰嘗誦金剛經視經本已作四段

截○阿○利○王○念○觀○自○在○不○信○頭○顱○可○將○經○代○



五斗米

漢中張修有病者請禱為法書作三通一上之天一埋地一沉水謂之三官

黃冠療病白飯興妖一朝授首五斗折腰

半截劒

運使李特立號此言其短小鋒利也

鐵中錚笑中刀短既可藏腹利應見吹毛

元布袋

僧景元參蔣山圓悟有得曰我這裏禪師都被元首座作一布袋盛去了

偈曰是空囊何思何慮是括囊无咎无譽

趙大餅

王蜀時趙雄武典名郡造大餅每三斗麪捲一枚廣數間其方不傳

廣數間食何苦廉將軍一餐李洛姬半肚

洛姬肚號四大

唐鑑公

范祖禹稱為講官第一進唐鑑十二卷  
深明治亂學者尊之

典型一代金鑑千秋有九齡度無十愆憂

詩窖子

王仁裕作詩萬首號此

豈貯五車豈誇八斗獨此珠璣珍藏不朽

雨錢公

熊袞孝家貧父喪不能塋號泣雨錢三日  
塋畢餘輸官庫

廉而能孝銅亦生馨與輸諸庫盍與爾鄰

鹿皮翁

舉手能為器械居岑山七十年忽呼族  
上山半木漂一郡百餘年復出賣藥

度水厄奪天工相皮鄰山客也脫骨笑壺公



三才圖會  
錦繡堆

謝廷皓以詞賦名

天孫杼織才子簡編惜誇奪錦恨不值錢

玉筍班

唐蔣凝美丰標號此。李宗敏典貢舉門生多俊秀亦號此。

千竿抱璞一日看花爭誇桃李不倚蒹葭

莊暗香

陳郡莊氏精女紅好弄琴名駐電每弄梅花曲有暗香名此後悔遂絕絃

梅○花○香○韻○荔○枝○香○濃○濃○成○草○露○韻○入○松○風○

杜武庫

杜預博學兼蓋萬機又號智囊左氏癖

左○史○膏○肓○鼃○囊○班○輩○老○杜○家○聲○小○范○胸○槩○

朱萬卷

朱遵度好讀書號此朱昂目爲小萬卷李渤博洽亦號此

蠹鴉飛舞。倉庫因陳。北窓一枕。南面百城。

李一榻

李叅軍善相笏知休咎相陸遵笏云子爲評事果然

執玉知禍。相笏知祥。笑客滿座。問誰滿牀。

周禮庫

李浩博學禮樂之事多咨之

東周已邈。文獻無蹤。昔存柱下。今取庫中。

人物志

李守素通姓氏學號肉譜虞世南目此

辨源流通。氏譜胸有黑漆。厨手點青。燐簿。



三才圖會  
卷之六  
異  
初

行秘書

虞世南為弘文館學士、太宗美其五絕德行、忠直、博學、文詞、書翰、

藏胸樂府著脚書厨欲吞前鑒載爾後車

點鬼簿

唐楊炯為文、好用古人姓名、

鳳吐口中獺祭筆下鬼縱點頭紙恐減價

張金箔

平陽人多幻術、能積水設機、溉物、洪武召試之、採蓮為獻、餅口出五色雲、

蓮手生雲口出非灌甕忘機亦點金弄術

陳泥丸

陳楠業籊桶、得太乙金丹法、能符水捻土愈病、早鞭龍大雨、閱世四十五水解、

一丸土魄九轉丹頭生為岐伯死作陽侯

三斛火

石藏喜用熱藥名此○禍斗如犬食火見必災

調濟未諳桂薑是輔祝融翻身禍斗入戶

一壺冰

劉寅喜用冷藥名此

若非冰兢恐蹈性癖如其悞人必遭水厄

魯陽金尉

陳翼遇一病人扶歸卒有金十餅置棺下其兄來還之後尉魯陽呼此

雍尉香銷陳尉金起從玉成來非銅臭比

間氣布衣

皮日休傲誕自稱酒民與孟襄陽同隱鹿門

作韋布儔把高陽臂陶然獨醒浩然同氣



胡釘鉸

居白蘋州墓旁，每飲茶必奠之，忽夢柳惲謝茶惠，強其學，遂工詩。

飲露有靈，吟風無訣，人不識，丁鬼能點鐵。

劉匙鑰

隴右人，舉債起家，善取財，如鑰開箱，故名，後死變犢，脇間有姓名，贖歸。

巧司魚鑰，利晰蠅頭，不遺耕讀，空作馬牛。

周仙葫

蜀周子興，見道士李丹陽，挽一結于生葫，盧之腰，摘藏之，後棄家，佩葫尋李。

葫有宿根，李無枝葉，我慕懸壺，誰來結韞。

蘇扛佛

會昌毀寺，遣使錄金佛，有蘇監察者，袖歸一佛，號此，溫庭筠曰：好對蜜陀僧。

佛盡捨身，君難厭欲，但願如來，金軀丈六。

一作梨

黑稍公

于栗碑武藝過人，好持黑稍。劉裕常呼此。羊侃有折樹稍。

折樹誇羊穿楊笑，蝨一將揮戈三軍戰栗。

鵬冠子

楚人著書，言道家事，因冠成號。馮煖師事煖，顯懼薦已遂絕。

松竹箕裘雲霞冠，帔遵渚飛鴻在梁雌雉。

檢譜角觝

顏雲論兵，必奮袂叱咤，若對大敵，謂之。

口談兵，胸藏畧，縱遜羊叔裘，不啗蝸兒角。

彈棋八勢

王敬弘形狀短小，而坐起端方，桓玄謂此。王維詩：隱囊紗帽坐彈碁。

其形瑣，其行謹，豈摩詰高吟抑，焦僥坐隱。

弈也。



下水船

唐裴延裕乾寧中在內廷文思敏捷梁帝呼此姚洎為上水船

飛兔如烟飛鳧也如電一棹勝王不須風便

破竈墮

岳山廟有竈靈競祠僧以杖敲墮須臾一青衣謝之乃竈神也

媚竈趨炎傳燈度筏安得青衣盡歸棒喝

木餅僧

南唐至闕挂木餅杖頭能引餅蔽形登宮百丈樓曰宜望火後淮甸烽火始悟

顯則卓錫隱則藏形洞若觀火智豈挈餅

大鞋僧

因著大鞋呼之不識字居達摩洞冬夏一衲常數日不食入終南不知所終

不識不知一衲一履飽飯談經視猶敝屣

匾匾師

號無空投少林僧求名一日編匾僧指曰卽汝名也居峩眉佛手授彌陀經

遇物得名傳經得達跳出樊籠何須衣鉢

蓑衣師

張志朴學飛煉術隱淮惟一食一蓑冬指郁李卽開有鹿銜竹來遂尸解

草衣釣石蓑衣釣竹志不在魚友反在鹿

失轍方相

婁師德長大而視異于衆又病張元一目此又曰衛靈公言護柩也

大哉包容偉矣盼顧鬼尚魂驚人何面唾

埋羹太守

王璉明初寧波守四鼓升堂讀書赴學偶饌魚肉曰忘食草根時耶埋之

清夜揮絃旦明司鐸見道于羹守身以約



鐵牛和尚

平陽唐鑄八鐵牛維梁宋時沉水懷炳智巧投水繫繩出三牛而梁成

索影未驚牛經聲先圍象鯨脊恢雞圍賞

金舌和尚

趙城人修道終南睿宗三召截舌以進命焚之化為金夜哦經如故

續有聲示無偈金舌可司天木舌難警世

長槍干戶

瞿通合肥人元末江淮起兵號此歸明功至都督子能嗣死靖難節

始揭竿終垂帛父已會風雲子還懸日月

麻椎相公

元右丞相徒單思忠行用麻椎擊人

豈曾宣麻竟可麻擊宜爾室家其麻不續

王潑墨

王洽酒酣先以墨潑絹隨其形爲山水儼若造化

任墨成○仗酒力○勝濡髮○揮雲○  
張旭遜○點○睛○破○壁○

關枉法

關銓官湘江理問四十餘年有餽囑卽拒曰此枉法不可爲反號此婦稚皆知

枉直得○平○反○宜○但○求○婦○稚○識○何○須○草○木○知○

柴中庸

柴文顯建德人學精中庸正統進士按閩風紀肅然

立○思○中○德○思○庸○事○思○公○有○理○輪○攬○轡○之○風○

陳三詔

陳朝老爲太學生上書論蔡京等六賊編置道州宥歸紹興間三詔不起

處○還○思○折○檻○徵○不○就○安○車○非○旣○明○且○哲○歟○



白衣御史

蜀何羣喜激論議太學目此言文詞害道請罷賦焚已作八百餘篇

賦○可○黜○論○亦○偏○只○恐○統○綺○子○仍○上○孝○廉○船○

紫衣禪師

王仲全平蜀饑入寺僧醉甚欲斬不懼令賦蒸豚詩立就喜與之紫衣

酒○無○量○法○無○門○汝○能○揮○急○免○我○亦○餽○蒸○豚○

王鐵槍

王彥章驍勇持一槍馳突如飛○右軍筆號綠沉槍

筆○掃○千○軍○亦○號○綠○沈○與○君○角○勝○誰○是○知○音○

趙雙硯

臨海趙太守洪武見題蠶婦圖詩召除肇慶府歸曰清獻持一硯今吾二硯

拯○不○持○忤○得○一○君○其○兼○二○吾○猶○不○足○請○益○

典琴

王元景僕常旦令索食謂解齋僕曰公不作齋何云解齋景曰汝字典琴何琴可典

僮理小絃主思大嚼胡不焚琴將來煮鶴

錦瑟

令狐楚家小婢善歌李商隱錦瑟詩即其名也

寶瑟雲和玉簫聲楚何物媚狐得題繡虎

捧劍

咸陽郭氏蒼頭嘗望木跳雲不遵驅策一旦題詩士競觀皆協律後畱牡丹詩遁去

白雲跳紫電奔畱詩別姚魏逐隊入崑崙

劍俠有崑崙奴

捧硯

裴至德家僮一歲時有青花犬齧其卵及長為內豎號此硯譜有內相硯

捧內相硯供蔡侯宦者紙書史遷筆均得之矣

蔡倫



顏筆僊

宋高郵人、鬻筆遇僊、日售十矢、剖管必有詩、偈、紀姓氏禍福皆中、九十七火昇

數非偶、偈非空、藏身毛穎、傳脫骨祝融峯

積穀翁

帝寅善治生、除廣州、宣宗垂誠貪泉、寅曰、江淮江陵莊積穀尚七千堆、呼此

詩曰、共識積書賢、積粟誰知培德勝、培杞

栢葉僊人

田鸞啖栢號此、有騎鯨栢、白於山產栢、

紫氣難瞻、白於可樂、樹欲騎鯨、君將跨鶴

梅花道人

吳鎮、林逋號梅花處士、

墨舞花魄、筆吐山煙、梅妻鶴子、紙帳同眠

雙楠居士

慕容暉父惟良領州刺史因家陽美嗜酒好吟所居有雙楠軒東坡目此

交結三蘇韻追五柳非松亦哦無菊亦酒

雙桐沙門

僧瑜幼修焚身後三日房內忽生雙桐茂鬱非常集公桐葉書字墮空

已披孤衲何產雙桐一蒂畱跡一葉書空

竹中高士

張薦隱居有苦竹數十頃竹中爲屋王右軍造之逃避不見

雲母作朋右軍作頌任他籠鵝不敢題鳳

荔挺法師

馬莧名荔挺江陵一僧面形上廣下狹似馬莧呼此

笑龍華身作馬齒也長吼廣顙獅驚捲鼻象



七松處士

鄭薰所居號隱岩庭蒔松號此曰他年可對五柳先生

披恬淡懷○伴支離叟○堪橫一琴○不折五斗○

五柳先生

淵明

為○宋○處○士○避○世○於○酒○為○晉○忠○臣○逃○名○於○柳○

縮葱侍郎

侯思止嬾而詭以告變拜將軍遷御史食餅必加葱肉○徐無鬼厭葱韭

堪嗟小醜○僭用大官○葱也山中無鬼○殿上稱賢○

大樹將軍

馮異

收功桑榆○知名草木○願君無忘○麥飯豆粥○

劉棉花

保定劉閣老累為臺諫所論而寵眷不衰稱此謂轉彈轉可用也

憎士多口。得君熱衷。衣被天下。不若古終。棉花名

鄭櫻桃

襄國優童石虎寵惑之譖殺二妻一云鄭世達妓虎立為后讒殺妻

口殊樊素。寵固餘桃。萋非國蠹。花柳人妖。

柘枝顛

寇萊公好柘枝舞必盡日

孤注可存。萬舞何恤。顛而能扶。青不掩德。

柳條青

唐末異人號此暴卒塋之塚嘗有紫氣

玄關機透。函關氣封。柳可化竹。杖亦成龍。



三才圖會 卷之四 草木部 三

春草

白樂天姬善舞

詩曰臨風也解吟桃葉

獻之妾舞月何難妬柘枝

甘草

朱泚亂裴佖與衣冠數十佯為奴出城佖最陋自稱甘草門兵不疑放之

微服青衣寓名小草不道家童居然國老

甘草名國老

無名老人

襄陵姓陶母夢童獻紅果如瓜言仙賜無名果也因孕後讀西昇經仙逝

李指姓果成名來如夢草結去若貝多輕

青精先生

漢朱靈芝餌青精經歲不飢來羅浮煉丹五色鳥銜赤龍芝服昇

輸赤龍芝頌青鳥券借玉女漿噴道家飯

青精也

菊帝 吳越錢仁傑號此又號花精

擅白帝權奪朱嬴席人美花妃我憐壽客 菊也

果子

巫山秀峯寺僧辟穀食果因名人有病咒水服之立愈

飯蔬乎食實者果能此道矣何取於水也

花師

宗仲儒能詩種牡丹能變易千本上皇召驪山植萬本樣各異

幻移春種綴沈香英天工人代姚魏阿衡

花姑

女道士董靈微年踰八十貌若嬰

天女散鹿娘誇誰說點頭偈墮此解語花



三才圖會  
花奴

汝陽王璿打鼓上自摘紅槿置研光帽曲終不落

漁陽鼙鼓。汝陽花腔。擊翻地軸。打破天荒。

梅精

江采蘋好梅。上曰。此梅精也。嘗吹白玉笛。作驚鴻舞。後楊妃崇寵。賜珠不受。

梅影橫疎。楊花飄宕。五月江城。長安西望。

青菜王

王質永樂中御史出巡。不食肉。陞四川叅政。

勵青驄骨。栽白莧腸。嘗豆乳味。聞菜根香。

甘草癖

楊萃仲稱陸羽也。又號桑苧翁。卜易得漸遂名。

嗜水得潛。嗜潛得易。嗜苦得甘。嗜甘得癖。

紫微太守

杜牧之詩文豪邁人稱小杜為睦州刺史訟簡刑清

績儷龔黃筆追秦漢作阿房賦御史綺筵玉皇香案

海棠相公

江西臬司一神名此代祝之生前為皂鑿竹板灌血用刑即見血而滅

相公之榮神明之胄血食之存甘棠之覆

司牡丹

明河南婦袁姓為夫蹴死甦言我是司牡丹死為薄姬廟婢借屍還魂

既去為花婢胡返作花王信乎李代桃僵

瞽葫盧

瞽者善卜決劉辟官祿廿年不善終辟至期微服往蓍猶憶前卦果驗

筮蔡瞋觀吉凶洞契不繫匏瓜圓神方智



謝蝴蝶

謝逸作蝴蝶詩三百首

詩三百夢一場。盈庭玉樹發。終日粉衣香。

鄭鷓鴣

鄭谷以鷓鴣詩名。司空圖稱為一代風騷主。改齊已早梅詩。呼為一字師。

能改梅工題鳥內史心皎皎。司空目了了。

鷓鴣名內史

皂鵬御史

王志愔剛鷺

霜羽橫秋風。采翊日燕雀處。堂皂囊中物。

白兔御史

王弘義求鄰舍瓜不與。為御史移文捕白兔。哇無遺蕪。

不問狐先捕。兔烏府快私仇。黃臺泣公路。

驄馬御史 桓典

行○避○路○鳴○驚○人○只○爭○簡○不○白○何○愁○轡○不○青○

金牛御史

周嚴昇期攝御史巡察江南嗜水獋肉凡事入金則彈至多烹宰

嗜○牛○口○饒○愛○錢○手○滑○若○能○糞○金○庶○當○戒○殺○

虎眼御史

成祖遣潛漠北平命以十事既還問對無遺有難決事輒付之

決○事○如○流○目○光○如○斗○豺○不○當○前○狐○不○尾○後○

雞冠秀才

張審通夢為冥曹決疑獄忽額生耳莊子說雞三足孔穿論臧三耳

三○足○非○歟○三○耳○是○歟○其○聞○道○也○猶○醢○雞○歟○



鳴舜子

范蠡鑒子胥號此

五湖載酒三江鼓濤身殉者烈身退者高

魚頭公

魯宗道呼魚頭參政

骨鯁名揚。崢嶸器偉。庶幾。撝鱗無慚。燒尾。

郭橐駝

病偃。僂善種樹。柳子厚有傳。○祈廷訓、

視其植。可得養生訣。視其屈。豈得避風術。

駝知避惡風

劉鵠鵠

劉在朱方。人與語必遭禍。一士不信。欣

惡聞其聲。欲唾其面。可避人情。難逃天厭。

往視。即火發。歲時一出。舉途驚散。

碧鵲鵲

裴寬好衣碧瘠呼此為潤州叅軍刺史  
韋說見其瘠鹿日不汚苞苴妻以女

為鹿瘞得絲牽一笑銀河女也伴瓦亭僊

名神女

驚蛺蝶

北齊魏收在洛輕薄尤甚號此修史力  
詆先達人多薄之

如紙薄如粉塗有夢鄰莊蝶無顏對董狐

被凍蠅

王方慶體質鄙陋言詞魯鈍與蘇味道  
同為鳳閣侍郎張元一目此

不止樊亦奪魄揣知傳赦童即爾弔喪客

失穴鼠

唐蘇徵仕汜木令舉止輕薄張元一目  
此

人無儀晉如廳豈失倚冰山抑乍離火宅



三才圖會  
卷之五  
三  
伏龍

孔明

龍○卧○於○岡○鹿○爭○其○逐○龍○見○於○田○虎○畏○乎○蜀○

鳳雛

龐士元傳異目爲半英雄

九○苞○墜○半○途○廢○片○片○落○花○紅○點○點○英○雄○淚○

秃角犀

唐杜悰出入將相未嘗薦一人

其○竊○位○其○伴○食○生○不○解○拔○茅○死○應○化○丁○櫟○

牛也

望柳駝

天官侍郎吉頊長大昂頭仰視張元一目爲望柳吉橐駝

高○聳○獨○峯○仰○觀○飛○線○訂○郭○佗○交○倩○柳○君○傳○

鮑孤鴈

鮑當獻薛映孤鴈詩云不惜克君庖爲帶邊庭信薛大賞呼此

惜○孤○征○憐○同○調○從○此○作○主○賓○相○親○如○管○鮑○

朱落鴈

朱漢賓善射指飛鴈隨矢而落中臆上貫一金錢有篆莫識

貫○蟲○巧○鄰○其○蠅○技○越○尤○喜○中○青○不○譏○曳○白○

石野猪

唐優人僖宗曰朕若應擊毬舉須爲狀元對曰遇堯舜作禮部侍郎不免駁放

善○謹○不○虐○隱○諷○可○嘉○朝○無○鳴○鳳○野○有○艾○豸○

仲野牛

臨洮民善獵遇竹牛喉犬逐之三十六頭皆墮岸死號此又名小小

犬○逐○林○牛○斃○谷○小○小○不○悲○麕○皤○皤○忘○舐○犢○



杜荀鵬

富家子杜四自比荀鵬題壁被污云三  
十年來塵拂面而今始得一抔泥

捕鶴影笑詩魔刻鵠猶可類畫虎將若何

羊公鶴

劉遵祖殷浩中軍稱之庾公及見與語  
不稱呼此蓋羊公鶴見客不舞也

淡言中當局愚縱然譏舞鶴猶免笑黔驢

梅河豚

梅聖俞有河豚詩傳號此○聖俞有禽  
言四首傳

梅在望人何之禽言還念舊魚腹應藏詩

李百勞

方朔與徒行渴借飲不與見百勞集李  
樹曰主人必李百勞也呼此即應納

東西飛燕南北浮塵主人好客總為虛名

熱鐵胡孫

楊仲嗣躁惡魏光乘目此○王思性躁蠅集筆端拔劍逐之○

鼎○難○據○木○可○升○當○佩○韋○學○豹○莫○拔○劍○驅○蠅○

鬱屈蜀馬

唐波若矮短張元一目此

歎○果○下○驕○悲○櫪○下○驥○脫○平○仲○驂○攬○侏○儒○轡○

飽乳犢子

唐豫章令賀若瑾眼皮急項轅粗張驚號此

項○不○強○目○不○秀○未○敢○誇○角○駢○得○毋○譏○乳○臭○

束翅鷗子

李萬應舉時敏妙絕倫咸通三年及第

千○里○決○雲○也鷗一○朝○飲○翻○長○安○看○花○丘○園○束○帛○



白馬生

張湛善諫常乘白馬帝呼之

攬轡吾志折檻吾心驄馬人避白馬帝欽

青牛師

封君達服黃連水銀百餘年朱顏遊隴乘青牛有病死者鍼藥即愈

紫氣雙眉青囊半腹長羨入關不侈望蜀

寒蟬

尉璜外雖通顯內闕風訓搖唇振足見人好笑時論比之

與其噪盍不厭其笑與其躁盍不易其操

喜鵲

宰相竇參有族子甫每議除授多泄以招權賂每至人呼此參敗賜死

招權招賄知來知風汝報人喜誰報汝凶

袁白燕

袁景文白燕詩月明漢水初無影雪滿梁園尚未歸

雕梁羽素夢筆詞新烏衣墨客白雪騷人

杜大蟲

杜大中為將無情妻有過亦公杖之妾作詞有彩鳳隨鴉語隨掌斃之

杖頭調瑟掌上題紅文鸞可惜脂虎未逢

張皮雀

名道修師事莫月鼎驅風雷如神常懷一皮雀狎小兒終後松陵見之

黃衣可狎赤電可馳人爭掩耳君笑相皮

孫賣魚

無名常賣魚楚州暑遇一道曰沙魚餒飲我可使活遂與飲談後言禍福輒應

莫投餌且開尊但得杯中術何愁釜底魂



薄地鴉

五代蜀呂彥德、驍勇、常冠牛革帽、挾漆甲、跨黑騎、軍中目此、

鷹揚動地。虎踞連雲。陳家白頸。

女將號白頸鴉。誓不同羣。

通天狐

楊虞卿漢公兄弟、黨附關節、攻不附已者三十餘年、爲國陰蠹、

虎威可假。國蠹難防。豈知九尾。卽是三楊。

九尾狐

陳彭年斂給強記、好刑名、性奸諂、號此文王時九尾狐見、

搖不乞。濟則濡。莫將西伯瑞。錯把佞人呼。

兩脚狐

桓彥範劾免昌宗官、后問楊再思、曰宗治丹餌有功、還職、戴令言賦此譏之、

博艾。猥歡獻老狐。媚縱不通天。亦慚履地。

宋羅江

慶曆中有宮變、臺官宋禧奏蜀有羅江狗、赤尾小者、神警請養、掖庭以備。

職司廌觸識類、鼃鳴借防、宋獵名犬終是宋人。

楊揜于

後周楊忠從狩龍門、獨當一虎、左挾腰、右拔舌、北臺謂虎曰揜于故名。

荒禽須戒暴虎安矜與爲拔舌曷效櫻鱗。

塞馬先生

靖難時馮淮

患得患失人不如馬、無失無得馬不如我。

白牛居士

嘉興陳舜俞知山陰、不奉行青苗法、自劾歸居白牛塘號此。

無治法有治人、子去法仍在、子在法可矜。



飛豹

晉彌彌膂力過人

斑可窺勇莫測人疑豹而隱我道虎而翼

瞎虎

後魏谷楷眇一目奉使皆忍酷

眇能視性難容為鄰白額豹終慚獨眼龍

說法馬留

呂惠卿清瘦語時喜以手指畫呼此馬留優人呼猴也安石名獼郎

誰沐而冠誰教而語教猴語恐附獼郎但公不與

奏氛獅子

邵麓上殿氣泄出知東平州高鼻捲額呼此

似座下猊非殿上虎還勝崔銅遺臭千古

龜精

術士方生號此卜錢元懿六十二終果驗

其種元緒而立者乎其繼君平而興者乎

鹿僊

辛孟年七十與麋鹿同遊一名倦僊

加馬齒倦鹿遊入華胥夢境出萃野丹丘

朝陽鳴鳳

御史李善感始上疏極諫謂此

足足驚一時之凡鳥侃侃媿千古之寒蟬

鳳名足足

鬪穀於菟

子文

虎爲乳名不沒他日若酬恩教人休射石



射鳶都尉

後魏拓拔翰從太宗遊二箭下雙鳶

此蓋從龍傑也○慮鳥盡藏弓○羞鼠腐墮瓦○

落雕都督

北齊斛律光從獵洹橋雲表射鵬中

中翮淺入雲深○誠哉射鵬手○依然貫蝨心○

雙雕侍御

高駢見雙鵬並飛曰我貴當中之

雕當龜卜○箭代著占○雙飛撲地○一翮冲天○

萬羊宰相

李德裕召一僧問休咎曰公食萬羊

一生肥脆○萬里風波○何如減膳○點綴兒坡○

晉公兒坡散羊

獺祭魚

李商隱爲文多檢閱書冊左右鱗次

噪括魚倉研磨獺髓尚饗於戲先簿黠鬼

獨擊鵲

王素升憲臺常奏事不合衆皆去獨論列是非得旨方退從事將帥三十餘年

回天也如衮之補藻去邪也如鷁之逐鳥

千里駒

符郎劉德曹休傅咸劉曜張敷蕭映王規劉杳王茂任昉丘仲孚袁昂李孝伯

驥子乎龍媒也渥水多名駒誰是吾家者

五總龜

殷踐猷博學賀知章號此謂龜千歲五聚問無不知也知章解金龜換酒

八索在躬五聚可語狂客解金正堪醉汝



黃騶少年

唐裴果勇冠諸軍與敵戰乘黃騶白袍當先陷陣

衣○白○乘○黃○表○以○示○異○先○聲○奪○人○後○生○可○畏○

白馬將軍

龐德仕魏每戰乘白馬號此○公孫瓚號白馬長史王審知號白馬三郎

褫○敵○國○魂○眩○吳○門○練○長○史○步○塵○三○郎○革○面○

瘦羊博士

每臘賜博士羊有肥瘦議分其肉甄宇先取最瘦歸後詔問號此

寧○井○鶴○瘦○豈○美○羶○肥○如○堪○換○帖○慎○勿○亡○岐○

用韓宗儒事

驅驢宰相

王及善為右相無甚施設惟不許令史輩將驢入堂終日驅逐

馬○不○容○旋○牛○不○問○喘○公○相○得○母○子○愉○之○臉○

子愉面長如驢

麋鹿野人

陶峴治三舟放遊江湖日載賓客飲饌探幽窮勝人稱水僊

鷓忘家鱗作族杯傾四腮魚花銜千角鹿

鴈鳩和尚

日食二鳩士分殮二足僧漱雙鳩口出一能行一匍匐士驚吐二足亦出

飼虎心案鳩哲弄假可成真弄巧恐成拙

白羊僊人

隱華嶽無姓名常乘白羊往來與徒介琰苑瑛俱僊製有虎豹符七十道

叱石無心驅符有錄跨下長額雲中高足

白鶴道人

誌公與道人爭潛山帝命各以物誌處鶴將至忽聞飛錫聲遂命分築

華表不歸潛山待詔和尚貪嗔道士顧笑



三才藻異  
餓彪將軍

魏右衛將軍元暉寵孝文朝賄官有定價

不嫌銅臭空負蔚文胃爛都尉腹負將軍

饑鷹侍中

魏侍中盧朂孝文寵之納賄用官

因飢求附遇飽不揚休悲赤族曷效青莊

守正待食魚也

雞窠小兒

李員瓊遇叟稱楊避舉祖父皆百歲頃窠中兒頭出曰此九代祖年無筭

始也效紀子之養木究也同開士之巢禪

鵲巢和尚

杭道林師至秦望山見松屈如拳棲止其上有鵲巢其側

不羨鳩居豈忻龍蟄神女治棲木公促膝

鵲也

牛首夜叉

周興考縛罪人有僊鶴曬翅胡孫碾茶鬼曳鑽牛拔櫪等名

女○主○當○陽○鬼○王○出○洞○殺○人○如○麻○請○君○入○甕○

狐穴詩人

唐末喬子曠能詩善用辟字

作○鬼○董○狐○費○人○亥○豕○乃○眼○未○青○厥○腸○先○紫○

狐名阿紫

泥水潛蛙

王仲宣

登○樓○有○賦○蟄○土○無○聲○誰○容○風○雅○鼓○吹○休○明○

白雲片鶴

道士自稱此宋宣和初遊汴見趙鼎呼曰中興名相後鼎紹興五年為相

方○外○胎○僊○雲○中○羽○客○物○色○塵○埃○片○言○金○石○



三才圖會  
蜺子和尚

冬夏一衲、日採蜺食、宿白馬廟、紙爐內、華岩淨師試之、企肯、後狎狂無踪

老一衲飽一

鮮曾契高僧、偈不燒、縊女也、錢

辟蛇行者

慧遠居廬山、有行者常來、善驅蛇、蛇為之盡、蛇銜珠報隋侯、蛇化劍

解墮井厄

賓頭盧說法語

消當道魂、闢銜珠路、開化劍門

泣鵠先生

明徐駿叔、幼好養鵠、母姜氏杖之、改學為通儒、母終見鵠輒泣

鵠去母存抱伯瑜痛母去鵠存同臯魚慟

橐鳩和尚

負囊遇空、啓囊、鵠出、舉囊、鵠入、人駭之、師翻囊縱鵠、不知所之

豈有梵嫂藉彼逐婦脫却皮囊只在撒手

僧妻曰梵嫂

筆虎

唐李陽冰書法踰李斯任心所成爲縉雲令退居吏隱山

爲蛛隱爲虎蹲看驅狼北牖笑牽犬東門

壁龍

唐柴紹弟有材力輕捷太宗令取無忌鞍韉丹陽公主金枕飛入舉頭易以他枕

奪枕鞍誇材力捷足可騰雲點睛應破壁

祝蠱

祝欽明涉經史不暗時務肥脂多凝滯號爲蠱蠱者肉塊無竅秦穆時野得之

閉一竅舞八風秦還來草野漢何覩辟雍

李猫

李義府笑中有刀大理卿李德柔峻刻俱名此

腹藏蝎笑銜蟬也猫狼已知當道鼠反可同眠



生犀

陸驗為少府丞無藝業而貌醜外國有獻生犀形甚陋問里郎以名之

貌取則失學踈何疑縱慚繡虎猶堪駭雞

犀也

蟠蟲

東川節度使鮮于叔明好食臭蟲每熬三五升卷餅云味實佳

雕蟲嘖嘖捫蝨錚錚如君六腑何畏三彭

白額豹

御史李全交以羅織為業又號人頭羅刹周處殺南山白額虎

人盡攢眉鬼胥點額周處如逢難免手格

赤鰲豹

御史李嵩慘刻號此

皂囊噬吞白簡煨鍊廌府深文狸奴幻變

猫名狸奴變豹

黑豹

王旭為御史嚴酷號此又名烟薰水蛇

霧眼矇矇霜威密密飛簡皆紅問心獨黑

紅狼

明杜松世襲榆林開府西陲倚為保障面  
赭號此後為李松栢遷延陷陣

酣豹畧淨狼煙運籌多顧後陷陣必爭先  
後狼顧其

鳥賊

李客師好獵四時不休鳥獸皆識之每出  
則鳥鵲隨噪

卒野飢鷹長林鬼蜮人作荒禽鳥知罵賊

虎殘

朱泰貧養母百里鬻薪虎負去泰厲聲曰  
食我不足惜但母無託耳虎棄之

負土格鳥負薪格虎虎解承歡人慚反哺



得霜鷹

蘇味道才學識度過人爲鳳閣侍郎目此及爲相持兩端號模稜手

一鳴足驚兩端何故惜展霜翎終慚風度

望火馬

嘉祐中士多馳驚請託一號日遊神一號此

隆隆者滅炎炎者絕徒識奔塵相尋覆轍

虎癡

許褚能逆曳牛尾行百餘步

以勇衛奸以癡自衛逆施倒行馮河無悔

龜寶

隋柳彧遷侍御百僚敬憚帝謂此

殿虎聲雄神羊角老百寮所宗十朋之寶

蛛蜘蛛隱

龔舍宿未央見蜘蛛網歎曰仕宦者人之羅網也挂冠而去

戀戀戀絲綸何足美休休休網羅莫自投

花鳥使

玄宗歲遣使者選擇姝好名此一云選六宮風流豔態者主宴

捉蝶戲行採蜂香徧解語花來可憐飛燕

狙公

宋有狙公養狙成羣以栗戲狙曰與若朝三暮四足乎衆怒曰朝四暮三足乎衆喜

馭以術得其歡墮人愚弄者盡作野賓猴也觀

蜜殊

僧仲殊辟穀啖蜜凡食皆漬蜜東坡亦嗜蜜能與共飽

半生辟穀滿口波羅涅槃西域傳鉢東坡



太牢公

李德裕呼牛僧孺也。孺入臺，嵩灘有雙

犧入廟。鳳鳴陽嵩澗。傳雙鵞崖州泣萬竿。

德裕名萬羊相

木鴈子

周貫修道號此。欲攜李生修道不從。指藥鐺作詩慨之。鄭少微號木鴈居士。

養就木雞。志存跨鶴。繫帛無書。操觚有藥。

控鶴僊

名屬仁。常控鶴至武夷。與張湛等校仙籍。以飲酒過度。謫居武夷八百年。方昇。

已挂鶴裳。何貪驢背。五斗留連。八百酣睡。

釣鰲客

張佑謁李紳。自稱釣鰲客。日以虹為竿。月為釣。問以何為餌。日以短李為餌。

駕三山。把千尺。獨許騎鯨僊。同釣秋江月。

李白稱釣鰲客。

白鳩郎

臨淮民徐憲在喪白鳩巢戶鄭弘道舉為孝廉朝廷號此

鳥徵純孝君錫榮施寄聲鷺序各念烏私

白虎吏

王業刺史荊州卒有白虎來出入及發喪又踰境吏立祠號此

渡河有績化石無蹤虎懷明德蠅弔清風

白鸚鵡

韓偓姚洎為學士從幸岐與兩內使基使不勝洎手壞之偓呼此

以香案吏作雪衣娘助臂無力纍那偏長

翠鴛鴦

楚景翠後避入關播遷懷土逃名改姓取匹鳥為名

蜀望子規漢懷吉了君慕文禽誰憐黃鳥



鄒駱駝

鄒鳳呼此謂唐公宗請以南山一樹挂臣一縑山樹有盡臣縑無窮

種水養生積財聚怨鄒鳳無絲郭駝有傳

石麒麟

徐陵母夢五色雲化鳳入肩而誕寶誌公摩其頂曰天上石麒麟

借天上麟作人中鳳終是雲根不煩風送

趲地鶴

拾遺魏光乘品朝士丞相姚元之長大行急目此坐貶

天闕揚聲沙堤獨陟負釜調羹委蛇退食

轉春鶯

王晉卿歌妓名後流落遇之有句云佳人已屬沙叱利義士全無古押衙

詩曰歌喉猶帶羌兒笛別淚長含僊客珠

贈僊客珠押衙

伏鸞

鄧艾

萬嶂投甌三川捲席歎伏龍殂展佐鳳翮鸞乃鳳之佐

隱鵠

陸雲

戢雲間翔京洛獨恨蔡東鑑同泣華亭鶴

醉龍

蔡邕飲至一石常醉卧路上

鯨已吸龍未悟與其死於盆毋寧死於路邕盆死

卧虎

宋蕭惠開嚴刻號此常閱三千沙門退無失名拜益州刺史李崇董宣亦號此

視不眈憐不乞履尾不陞亨過目不忘吉



獨鶴

陸引羅源人嚴毅不泛交洪武中薦授象山令計口植蔬家人不知魚肉味

誇獨立比題肩

也鶴門有雀可網梁無魚可懸

角鴟

幽州長史陸仁惠號此角鴟即怪鴟晝伏夜飛孔休源為長史別施一榻

鳴不怪夜不飛縱難施一榻何妨進一鴟

酒器也

殿上虎

劉安世官臺諫剛直聲如洪鐘云吾欲見司馬光于地下明湯鴈亦名此

鳳不鳴蟬已啞殿上匹神羊地下慰司馬

詩中虎

詩人羅鄴也即羅隱子亦不第

父敵三父子誇七步惜負其嵎未闢其路

臙脂虎

陸慎言妻狡妬吏民目之

梅○點○白○額○櫻○吐○紅○唇○欲○餐○狡○兔○厭○食○倉○庚○

白頸鴟

陳女為契丹懷化將軍侍夫數十

鵲○印○大○鴉○鬢○重○但○知○辨○黑○白○誰○與○定○雌○雄○

鶴相

丁晉公為昭應宮使每醺祭奏有僊鶴盤舞人以其令威之喬又好言僊鶴呼此

含○華○表○集○建○章○九○重○談○跨○鶴○萬○里○愧○蒸○羊○

寇準雷州愧羊

象奴

陸景為刑部黑面白齒呼此投朝士刺云東海釣鰲客過士答刺云西番進象人來

齒○如○銀○面○如○鐵○不○入○白○雲○司○疑○出○交○趾○穴○



青猿

王元之僕。猿名巴西侯。

解嘯吟。供臂指。既喜巴西侯。何惡斬州鬼。

鳥名

銀鹿

顏平原侍兒。晉時獲白鹿。帶宜春苑銅牌。

豈能餐紙。亦堪供墨。不挂銅牌。長隨鐵筆。

落翮僊

王次仲變隸。始皇召不至。遣使殺之。變大鳥飛去。使拜。墮三翮。報命。

不習鰌文。寧甘羽化。兩翮山頭呼之。不下。

有大翮。小翮。山

伏虎師

寧化人。汀州苦旱。結壇龍潭側。云七日不雨。願焚軀。炬舉雨傾。虎見遠遁。

與其飼虎

惟以物殉身。何如驅魃。以身濟人。

青獅翁

僧雪嶠號此初克火頭坐竹牀七日頓悟七十餘坐化。雲岩弄得六出獅子。

六○出○雲○巖○七○朝○雪○嶠○誰○謂○火○坑○終○難○高○蹈○

神雞童

賈昌開元時鬪雞供奉號此。杜詩鬪雞方賜錦。

賜○錦○有○心○談○窓○無○齒○翰○登○九○霄○駒○非○千○里○

張飛燕

黃巾帥中輕捷者號此聲大者為張雷公。饒鬚者為于玘根。

掠○羽○而○揚○脫○巾○而○闕○誤○入○昭○陽○儼○然○赤○鳳○

張野狐

善筌篴唐玄宗時同妃子寧王賀懷智李龜年馬僊期等按曲于含元殿。

笑○狐○媚○黨○龜○年○談○禪○難○悟○俗○按○曲○可○通○天○  
狐也。



李鱗甲

李嚴為都護用法深刻人歌曰難可狎

鱗難撓法難宥斷事固求詳存心更宜厚

幸龍王

幸南容高安人貞元中進士遷祭酒後有神異呼此

蹈學海司辟雍五經不掃地百谷自朝宗

花面獸

宋劉忠據潭州白面山有衆一萬韓世忠破之奔劉豫為其下所殺

山何白白面何癡人處心共憤天假手自殘

鐵猛獸

後周蔡祐與齊神武戰著明光鎧所向無敵

望風靡耀日披鬻鐵如泥豹之飛王虎之癡許褚

周虎子

五代時周本少倜儻遇猛虎搯喉殺之  
後與楊行密戰被執釋為裨將

搏乃鬚何如搯乃吮屈乃身何如卜乃掌

虎以掌  
卜食

端獅子

吳山僧淨端道解玄妙乞食登舟隨風  
所向即從之人皆樂施

一葦足四果心鉢雨飛獅座禪風吼虎林

迦陵

張聖清有小僕能射主意中事張以迦陵  
呼之迦陵僊禽也

卵翼知恩趨承自巧不類青猿豈同青鳥

白望

獵狗有白望青曹之號德宗時宦者王官  
市數十人閱物壓估直十不償一呼此

龍門壘斷蠶室青曹誰為發縱獵盡民膏



蒼鷹

到都爲中尉嚴酷行法不避號此帝幸上林姬如廁疏來帝持戈逐力諫止之

奮翮鷹

苦口疏一目虎知驚兩脚狐思避

谷楷酷名瞎虎

繡虎

曹植

七步捷八斗奇文還誇奪錦詩奈泣爇真

吳猱

吳含靈爲道士居南嶽經旬不飲食好睡呼此

穀也辟睡也酣豈還辨乎暮四之與朝三

苗龍

唐初人失名能畫龍後得道僊去今紹興龍瑞宮南一峯卽其昇處

杖可跨筆可投點睛半壁破攀顙一峯畱

鶴鳴雞樹

杜景佺文章知識並高號此

歎鶴立入雞羣九臯無慧日曲徑有浮雲

鳩集鳳池

唐王及善才行庸俚為內史人呼此

附翼多守拙少平平固無奇營營偏更巧

猿父

錢塘僧智一善嘯常養一白猿于山間臨澗長嘯猿畢集

長嘯一聲跳梁悉協從此王孫也法門枝葉

驢王

宋王禕凡劣號此魏元坦驕狠亦號此

寧效爾鳴莫肖爾面貴不足矜技何可銜



杜彪

荊州刺史杜山從、膂力過人、射不虛發、佩霞明朱弓、魏軍憚之、

可穿楊、可射石、東海之黃額、魚名南山之白額、

忽雷

唐歐陽紹任雷州、決池雷起、與戰焦體池、涸獲蛇、無頭、長五尺、煎斫不死、鎔鐵食之、

怪可啖、雷可戰、不及昌黎文也、勝菑丘劍、蛟、入淵斬

姦兔

五代周張可復、畧通儒術、唐開成初、依翟彥威、為青州從事、滑稽避事、目此、

空狡狡、徒惺惺、任他兔躍躍、未遇盧令令、詩躍躍兔

鳴梟

李振屢舉進士不第、深疾縉紳、勸朱全忠殺裴樞等、三十餘人于白馬驛、投之黃河、

孰調羹、孰假翮、白馬惡其聲、黑鴉奪其魄、李克用

三鹿郡公

袁折性頑方棠謂此譏其羸也

蓉園作客蕉徑封侯漫誇捷足且學回頭

五殺大夫

百里奚

舉牛口却羊皮殫心謀執耳偷淚憶烹雌

輕鳳

寶曆間浙貢二舞女一名此一名飛燕珠玉芙蓉爲舞臺歌如鳳音百鳥翔集

聲引鳳舞驚鴻飄飄乎不棲梧桐棲芙蓉

媚猪

劉餗得波斯女豐腴而慧豔號此善淫曲盡其妙變之

鶯聲巧狐媚工他年歎白首終是笑遼東



鹿冠老人

吳杜用嘉博瞻持方竹杖出遊園築  
瞻綠亭筆耕善書畫八十一卒

筆耕無稅田杖遊不迷路謫長庚老書蠹

驢子都尉

吳元府將董重質守洞曲部下乘驢  
即戰最悍號此

爛胃乎長耳矣為蜀也畏自不為黔也技

驢名長耳公

潛龍

後漢馬畧閉戶讀書九年不出三十謁桓  
帝拜關內侯後棄官入海毒蟲猛獸避道

得乾初脫宦跡三島可畱詩九年應讀易

天狗

魏羊祉不憚強禦朝有檢覆每出使好深  
文所經之處號天狗下

喉舌可師強禦不屈出則吠雲入還吠日

七字舍人

趙宋呂溱自貴重見賓客不及數言  
荀士遜號醜舍人

以荀君醜學陶令腰非無口  
匏則合口椒舍人也

三紅秀才

應子和詩蠟炬短燒紅風過落花紅  
兩岸夕陽紅號此

刻燭而吟落花不省  
窺子一斑野君三影張子野

四休居士

太醫孫君昉自號此謂飽即休煖則  
休過即休老即休也

砭鍼老少調劑寒溫林泉經濟藥石君臣

六一居士

歐陽曰吾集古錄千卷藏書萬卷琴  
一張棋一局酒一壺吾老其間

棋尊適興琴書娛心環宇五列振古一人  
六一與誌五見



三○照○相○公○

范覺民三十二作相如冠玉且起裹頭帶巾必皆覽鏡

多○黑○頭○公○少○三○髮○握○唾○爾○鑑○金○徒○存○冠○玉○

四○時○仕○宦○

唐傳遊藝勸武后革命擢至相一歲賜袍自青至紫即敗自殺

玉○步○既○改○金○紫○屢○遷○方○來○之○綬○垂○盡○之○年○

八○篇○盧○郎○

盧思道挽宣帝歌魏收選八篇

爭○誇○驚○蝶○抱○恨○昇○龍○八○章○秋○興○七○椀○清○風○

魏收名驚蛺蝶

萬○廻○禪○師○

姓張貌癡兄戍遠傳死師卷餅曰兄在餽之去如飛得兄書還一日萬里

粟○粒○世○界○瞬○息○行○蹤○卷○四○大○部○在○一○餅○中○

萬事休

高保最在襁抱從誨鍾愛雖盛怒見亦釋然荆人目此

噀可回事可置

爲深兒女情短却英雄氣

萬人敵

李晟有大節治家嚴有十五子挾一矢殪吐蕃每戰必錦裘繡帽自表

志在運籌功成挾矢矯矯虎臣振振麟子

李八百

蜀人壽八百又云動行八百里煉華林山得僊號紫陽封妙應

喬本周史壽並商賢圖南夢寐倕仝聯翩

倕仝行逮奔馬

百六公

張綰與兄纘齊名湘東王擇之嘗之百事綰僅闕其六

徵信無雙闕疑止六奪席何難叩鐘將足



三不濟是  
三 旨宰相

王珪相十六年無表見惟進呈云取旨上可否云領旨退諭稟事云得旨

細事不親大節無錄旨哉一言欽哉三復

三九相公

鄭班十九赴舉又十九年登第又十九年入相

五十七年三迺百祿白麻祥徵黃卷願足

三語掾

王太尉問阮千里曰老莊與聖教同異答曰將無同太尉善之辟為掾

三教異同理亦難判女奚不曰吾一以貫

八叉手

唐溫庭筠每作凡八叉手而八韻成時號溫八吟貌陋號溫鍾馗

一貌攢眉八韻彈指玉樓中人金門上鬼

李萬回

李仲容善飲號此宋真宗飲無敵飲則召仲容曰告官家免巨觥

醴泉胎酒星髓醉尚可回天渴豈難吞海

楊三變

楊畏黨呂大防攻劉摯極附蘇轍旋又詆之大防出即背薦章惇陰附安李

吠桀吠堯變幻莫測狐兔成羣虎狼不食

張三影

子野有浮萍破處見山影雲破月來花弄影隔牆送過秋千影呼此又名三中

一字堪師三紅未警獨喜野翁妙於取影

陳三更

宋太宗朝陳象董儼爲三司副使每飲歸晚語曰陳三更董半夜上聞罷職

三褫終朝一償酒債猶勝甄豐夜半趨拜



朱萬拜

朱浚爲淮東提刑與顯要者書必云萬拜浚晦翁孫也

學○拱○手○鼠○類○叩○頭○蟲○腰○雖○未○折○恥○已○足○恭○

雷半干

雷淵彈劾不避權貴出巡郡邑奸豪不法者立箠殺至蔡州杖殺五百

天○道○好○生○懲○一○警○百○未○聞○雷○公○如○此○手○滑○

三鐵王

周刺史王繼勲在陣常用鐵鞭鐵槊鐵撾軍中目此

百○鍊○手○持○三○軍○勇○冠○天○與○鐵○星○人○傳○鐵○漢○

三朵花

房州異人常戴三朵花莫知姓名能作詩有神僊意

一○首○詩○三○山○意○名○從○花○下○埋○跡○向○雲○中○寄○



三不要

明興化魏益恭、不要錢、不要官、不要命、城陷賊相戒不入、

身名不計得失何關人嗟破卵爾却開顏

三不寐

明興化孝子、親病不寐、無養不寐、居喪不寐、城陷賊相戒不入、神祐之也、

寐不忘親孝感暴客彼鼾睡人豈盡忤逆

三不開

馮曾孫爲相、臨事不決、謂不開口以論議、不開印以行事、不開門以延上、

寒蟬不鳴蟄蟲獨卧豈公杜門退思補過

一宿覺

永嘉禪師謁六祖、問答相契、畱一宿、

一夕話一指禪白雲不三宿紅塵有二天



八不居士

樂安姓李遺名不仕金自贊曰不貧不富不飢不寒不名不利不忙不閒

八不自居四休何必堪誇三九爭如六一

鄭班號三九相

四其御史

郭霸召見則天自陳前征敬業願抽其筋食其肉飲其血絕其髓拜御史

其言也勵其司也直其事也敬其蔽也賊







